

妙法蓮華經指掌疏卷七

B9 2057 T85 1749a V'12





9 - 4 , .



法華指掌疏卷第七

京西潭柘山岫雲寺監院比丘來琳督刊 賢宗後學通理述 嗣法門人明元較字

二妙音忘情弘經品題

妙法蓮華經妙音菩薩品第二十四

宿世以音樂供佛現在感天樂隨身且能隨類說 事在經文題難俱悉特標人以攝行也若明别義 法善應機心故以妙音爲名供佛聞法來往成益

為盡前品餘疑言前品當機以藥王遊化娑

婆爲問者原爲娑婆穢惡衆生難化起見世尊雖

去善与老允

/卷七

藥恐不達舉一例諸因此通彼反謂妙法只堪此 筌蹄者因此復立厭穢欣淨之見今聞淨華宿王 菩薩種種現身在此娑婆於神通變化智慧無所 弘護偏重閻浮故屬弘本品則曰廣宣流布於閻 見不可存也三為防前品餘執以前品佛屬宿王 智佛告妙音菩薩汝莫輕彼國生下劣想始知此 品喜見菩薩兩世俱在淨國恐有滯執詞句。未了 浮提屬護全經則日此經則為閻浮提人病之良 損減始知娑婆不難化也一為遣前品餘見以前 示以苦行而娑婆難化之疑猶未全了。今聞妙音

长善旨管充 菩薩其身在此而復現種種身處處為諸衆生說 處弘護不須遠及自生畛域謬證佛言今聞妙音 令一切衆生各得所知於十方恒沙世界中亦復 是經典文聞是菩薩以若干智慧明照娑婆世界 時讚善恐謂去此遙遠空讚奚閩不知執盡聞通 如是始知此執不宜有也四為證前品實聞以前 時妙音菩薩於彼國没與眾發來始知聞性實能 品喜見然身光照八十億恒沙世界其中諸佛同 法爾如是今聞時多寶佛告彼菩薩善男子來於 通也五為顯前品法用以前品喜見菩薩雖以普 卷七

美不足以風末世疑未盡斷不足以契真乘為磨 之身今聞妙音菩薩或現然身或現釋身等始知 命三應多寶樂初二 微站以成完璧故於藥王品後而說妙音品焉。經 現色身三味雨華雨香但彰供佛之用未顯應機 由二正明遠來 事畢還國四此衆聞品獲益 三昧用無盡也總言大法難弘真信難發行未全 一妙音忘情遠來二如來論其功德三妙音 初三 一如來光照其國二妙 初二 一遠來之

音蒙光欲來

照其國。 亳相光偏照東方言八萬億那由他恒河沙等諸佛 世界〇過是數已有世界名淨光莊嚴其國有佛號 爾時釋迦牟尼佛放大人相肉髻光明及放眉間白 無上士調御丈夫。天人師佛世尊為無量無邊菩薩 淨華宿王智如來應供正編知。明行足善逝世間解 大泉恭敬圍繞而為說法釋迦牟尼佛白毫光明徧 去華旨堂流 初放光東照內髻居眾相之首。具斯相者人中最 勝改稱大人相也光從此放者為重其人以妙音 人近極果故以此光照之白毫處兩眉之中不偏 卷七

北書井雪場 成故佛號淨華宿王智者華表因行以是無漏之 嚴而為飾故。又以彼佛淨行智光之所莊嚴而得 淨光莊嚴者。旣屬淨國必具清淨光明及種種莊 音行契戶道故以此光照之偏照東方等者。謂所 不倚。故三眉間相也光從此放者為即其行以妙 因。故置淨言智該權實以能破生死疫故稱宿干 經之處皆於光中現也〇過是下。遠至其國國名 行成智故佛號淨華宿王皆智行相依爲名菩薩 又前品表以智導行。故菩薩名宿王華。此品表以 大衆。圍繞說法者獨為大乘說甚深法故又

戲三昧無緣三昧智印三昧解一切衆生語言三昧 甚深智慧得妙幢相三昧。法華三昧。淨德三昧。宿干 植眾德本。供養親近無量百千萬億諸佛而悉成就 爾時一切淨光莊嚴國中有一 といくまでと目を三くに 髻光者。最勝頂光惟妙音堪承故 明。偏照其國者。放光雖爲妙音有緣自能蒙照其 猶日照高山光映泉石日豈有心於其問哉不言 屬大大泉亦兼餘乘若此則是權實並演白毫光 初 一妙音蒙光欲來二 卷七 一經家紋德二蒙光欲來 菩薩名目妙音。人已

旋三昧得如是等百干萬億恒河沙等。諸大三昧。 昧<u>弗嚴王三昧。淨光明三昧。淨藏三昧。不共三昧。</u>日 法華指掌政 實相故一真俗對。淨德者直智契理絕妄染故。宿 共有一十六種三昧。惟證能知非思可到不釋則 大成云。植德供佛成就深智福慧兩足也得妙下。 王戲者。俗智照事。得自在故三悲智對無緣者 一切功德三昧。清淨三昧。神通遊戲三昧。慧炬三 、盜無由釋之恐鹿馬錯指然古德既不避摸象 斷證對。妙幢相者。善摧妄惑故法華者妙證

匹

上十二七三至 太儿 故四聞修對解語言者耳意互用聲入心通故集 悲無私不緣而應故智印者真智絕照如水印像 功德者。事理兼修萬善同歸故五體用對清淨者。 全體出纆一障無能染故神通遊戲者大用現前 燭誾故莊嚴王者妙行嚴果。如王最勝故七現祕 對淨光明者外現清淨光明。用之不竭故淨藏者 內祕恒沙性德取之無盡故八揀收對不共者別 故然此十六三昧其實皆一三昧總惟一心隨 圓自住。不共餘乘故。日旋者同圓普收。如日還照 一死無能礙故六智行對慧炬者正慧導迷如炬 卷七

沙華北等政

各别若更推之亦可無盡故云如是等百千萬億

恒河沙等諸大三昧。

二蒙光欲來

釋迦牟尼佛。光照其身。即白淨華宿王智佛言世 及見文殊師利法王子菩薩藥王菩薩勇施菩薩有 尊我當往語娑婆世界禮拜親近供養釋迦牟尼佛 王華菩薩上行意菩薩莊嚴王菩薩藥上菩薩

音今特言照其身者應兼髻光蓋髻光獨照妙音 初妙音蒙光據前云白毫光明偏照其國豈惟妙 者重其人以望其來故○即白下。白佛欲來默契

故應即白大成云釋迦乃運斤之師諸大士亦摶 光照之意欲來此土但旣有本所事佛不宜自專 可友能不親之近之然此亦據妙音自道其實來 風之侶遇之有盡堊之功會之有逍遙之益可帥 近釋迎及見文殊等蓋為利益此眾永作芳軌耳。

蒙釋迦光竟

現相 二奉本師命二 一本師誠令忘情二妙音奉命

劣想。○盖開子。彼娑婆世界高下不平土石諸山。穢 爾時淨華宿王智佛告妙音菩薩汝莫輕彼國生下

七公宝三日主会和

卷七

心事指等或 及國土生下劣想 千萬福光明殊妙。○是故汝往莫輕彼國若佛菩薩 一千由旬我身六百八十萬由旬汝身第一端正百 惡充滿佛身里小諸菩薩衆其形亦小而汝身四萬 夫之下執輕彼者類二乘之劣見故誠以莫輕彼 品當機舉娑婆為問正由淨穢之見不了而喜見 初直言標誠若輕於彼者必重於我重我者同凡 國。生下劣想然此乃本品要義前後樞機蓋以前 同凝道之荆棘。必剪之乃稱康衢分彼分此猶翳 兩世惟淨國是生反合於厭之情愈熾是情是見

上七年 上日金太儿 睛之狂華若了之即同淨目所以妙音纔言欲來。 以相形。依報則淨穢逈別正報則勝劣特異彼此 本師改口便誠讀是經者幸留意焉○善男下一下 往詣莫於彼起輕慢之心。勿任自生下劣之想。情 來意謂正以彼此相形情見易生以是之故汝今 觀空雖一芥之空與太虚而同體開隄望水雖渭 見旣平。淨穢何異形骸已脫彼我無殊其猶除器 相形。情見易生故特示之心是故下承示結勸如 沼之水混清池而俱流如斯而往往斯可矣 一妙音奉命現相四 卷七 一奉命歸功二先現來相

來之力。如來神通遊戲如來功德智慧莊嚴 妙音菩薩台其佛言世尊我今詣娑婆世界皆是如 白其佛言者既奉佛命還覆佛旨也妙音意謂我 德而敢於彼起輕慢心住自生下劣想哉末一句。 之所以敢請娑婆者。皆是承仗如來之力。我有何 之所以來去無礙者皆如來神通遊戲莊嚴於我 無漏漏意莊嚴一字雙通上一句義妙音意謂我 我之所以身辯具足者。皆如來功德智慧莊嚴於 乃轉釋上義。神通遊戲者無礙妙用功德智慧者。 三文殊推因四如來指答

我非如來之力而何哉此妙音不以勝報自居而 歸功於佛以申不敢輕被意也

一先現來相

味力。於耆闍崛山。去法座不遠化作八萬四千**衆**寶 於是妙音菩薩。不起於座身不動搖。而入三昧以三

蓮華。閻浮檀金為莖白銀為葉金剛為鬚甄叔迦寶

以為其臺

不起於座身不動搖者就座飲容以成定相無煩 昧力等者欲與八萬四千菩薩俱共發來。先現如 方便也而入三昧者準後文即是現身三昧以三

上之去 上了学月太儿

卷七

沿事打写诉 **鬚兆衆行交成臺兆大願圓滿是則人雖未來**而 數寶華以爲其兆也寶華所以爲菩薩之兆者以 華能成果菩薩為成佛之人故去法座不遠者為 兆其不久即至也莖兆定力攝持葉兆慧輪開敷 德相先現有智者自能識之故向下文殊有是何 因緣先現此瑞之問。大成云。未來此土先現瑞者。 翻為勝金義見於前難叔迦此云鸚鵡此實色赤 示來相之前導故。啟會衆之景仰故。閻浮檀約義 如其嘴故西域記云、甄叔迦樹其葉赤色。實色如 之故名。三文殊推因

爾時文殊師利法王子。見是蓮華而白佛言。世尊是 何因緣先現此瑞有若干千萬蓮華間浮檀金為並 上二年三七日至三大儿 一銀為葉。金剛為養難叔迦寶以為其臺 鄰極之兆非大智莫測故惟文殊能問見是蓮華。 略已彷彿其人。但以時象不了。須待佛說故問是 言八萬四千而云若干等者以見華即問。未暇枚 其數故莖葉鬚臺有關其人之德故問中一 又用一瑞字。足見不是常人。文殊豈真不知耶。 何因緣先現此瑞問中下一先字。已顯後有人 陳 四如來指答 | 卷七

欲從淨華宿王智佛國與八萬四千菩薩圍繞而來 爾時釋迦牟尼佛告文殊師利是妙音菩薩摩訶薩。

至此娑婆世界供養親近禮拜於我亦欲供養聽法

是妙音菩薩指所兆之人。欲從淨華等答現瑞之 因末句言亦欲供法亦欲聽法宜各别言之蓋省

文言亂耳。奉本師命竟

俱發 三應多寶喚二 多寶受請遠喚二妙音同衆

文殊師利白佛言世尊是菩薩種何善本修何功德

色相大小威儀進止。惟願世尊以神通力。彼菩薩來。 名字。我等亦欲勤修行之。行此三昧乃能見是菩薩 菩薩善男子來文殊師利法王子欲見汝身。 度多寶如來。當為汝等而現其相○時多寶佛告彼 今我得見○爾時釋迦牟尼佛告文殊師利此人滅 而能有是大神通力。行何三昧。願爲我等說是三昧 去華旨堂流 修何功德有是神力種何善本者問以往昔供幾 多佛也修何功德者問以往昔作何等供也神力 初文殊請加必有深因了獲勝果故問種何善本。 雖由往因發通必資現緣故又問現在住何三昧 卷七

喚彼國去此百八萬億那由恒沙世界而文中日 為顯弘經必當具足三資糧故〇時多下受請遠 能自見請佛加被耳。○爾時下。佛推多賓佛不自 進謂前來。止謂住彼蓋文殊故推不知而兩言之 召。而推多寶者以文殊表信多寶表願妙音表行。 也願以神力彼來令見者自謂未行彼之三昧不 色身形相威儀者。威德儀表大調勝相小謂劣形。 此三昧乃能見之者顯未造其境雖來莫見此語 明是作家口角固知文殊請加非為已也色相者 願說其名欲勤修行者。慕其神用做其入住耳行

沙事打写英

告日來。宛若對面蓋以多寶音圓妙音根淨根塵 有文殊。聞其欲見將不速而至故 互偏固如是也示以文殊欲見者以妙音意中阜

二妙音同衆俱發

來。〇所經諸國六種震動皆悉雨於七寶蓮華百 於時妙音菩薩於彼國没與八萬四千菩薩俱共發

天樂不鼓自鳴。

初没彼發來。於彼國没一句與下普門品發端以 有没有出。妙應似未圓故因中以若干寶鉢奉佛。 願將來得法器隨行。由此所以有若干菩薩俱共

上、上三三十多大儿

卷七

是菩薩自如廣大青蓮華葉。正使和合百千萬月其 威德熾盛光明照耀諸相具足如那羅延堅固之身 面貌端正復過於此身真金色無量百千功德莊嚴 鼓自鳴遠來之由竟 得八種震動南泉寶華因中於萬二千歲技樂供 發來。〇所經下中間瑞相神德所至天地效靈故 佛願將來得樂音與俱由此所以有百千天樂不 一正明遠來二 一敘相標來二具儀晉見

圍繞而來的此後婆世界耆闍崛山。

人七寶臺上升虛空去地七多羅樹。諸菩薩眾恭敬

上午三日三年 菩薩亦然故云如也言廣大者以身相旣大。目亦 諸經讚佛。但云面如滿月今以菩薩面貌廣大 廣大似之端正猶差故云復過身真金色體也功 天竺有青蓮華、其葉修廣青白分明佛眼似之今 望之可畏故照耀者如月揚輝即之可親故諸相 月莫匹故粉以和合百千萬月雖和合百千萬月 相稱。細華無能喻故正猶即也和合者。會聚義準 德莊嚴。因也。威德光明等。果也嚴盛者如火熾然 其身堅固不可沮壞而菩薩身相如之前云俱共 具足者雖居因位。妙相同佛也那羅延天力士名。 卷七

凝嫉妬慳慢不無不孝父母不敬沙門那見不善心 智佛問訊世尊。少病少惱起居輕利安樂行不四大 調和不。世事可忍不。衆生易度不。無多貪欲瞋恚愚 所頭面禮足奉上瓔珞。一而白佛言世尊淨華宿 到已下七寶臺以價直百千瓔珞持至釋迦牟尼佛 殊等也。 二具儀晉見二 一先見釋迦二次見 之勞及失序之儀故來此者崛者供佛聽法見交 發也恭敬圍繞者。主件團圖相向自若非有奔走 多寶一初 發來不言如何發今三人七實等乃乘臺緣空而

實如來在七寶塔中來聽法不又問訊多寶如來安 隱少惱堪忍人住不。 不攝五情不也尊。衆生能降伏諸魔怨不久滅度多 上了生一上三年大儿 情,并無屬以問訊之語想必有之蓋經家不敘也 初持瓔供佛。妙音來意為供釋迦故到即先供。〇 言分三段。初段中外絕處傷內離逼迫即是少病 問中先及釋迦次及多寶者主客無耳問釋迦中。 而白下代師問訊準前妙音欲來。彼佛但誠令忘 立。魔外不興即是安樂行持此粗略問也次段中 少惱動作偏宜靜止尤適即是起居輕利法道成 卷七

言欲得少病少惱須是四大調和。四大者慈心普 咸宜、欲得安樂行持。須是衆生易度易度者。謂依 火大。治心無住即是風大調和者謂慈不過愛悲 持。即是地大悲心普潤即是水大喜心浮升。即是 不過傷喜不過恣捨不過忍由此所以法性無病 教奉行不戀魔業。由此所以目無全牛。任其游刃。 此處中問也三一段中言欲得四大調和須是衆生 聖智絕惱欲得起居輕利。須是世事可忍可忍者。 無障。故問以無多貪欲瞋恚愚癡等不欲得世事 一如法無關聖夷由此所以閱歷自若動靜

時釋迦牟尼佛語多寶佛是妙音菩薩欲得相見。○ 世尊。我今欲見多寶佛身惟願世尊。示我令見。○爾 にかに いヨシニ なん 可忍須是聚生如法故問以無不孝父母不敬沙 來次問住者明知必來恐尚未至又恐旣至而不 二次見多寶 門等不。五情即五情根也縱逸五塵莫知抵止名 隱少惱如法證事罷座方歸即是堪忍人住。 忍久住也釋迦之道有託多寶之願無違即是安 生能降伏諸魔怨不。此詳悉問也問多寶中。先問 日不攝欲得衆生易度須是捨離魔業故問以衆 卷七

尼佛及聽法華經并見文殊師利等故來至此 時多寶佛告妙音言善哉善哉汝能爲供養釋迦牟 近友取益故重言善哉以讚美之供養釋迎并見 當讚善之時。即是現相時也。既能供佛聞法又能 蓋欲其重示妙相以符來意〇時多下多寶現相 符願。○爾時下。世尊代請達妙音之情以語多寶 能重開。表法則行不自起起必依真若如此乃克 待佛一一者事論謂分身散後塔閉如故非佛力莫 面豈能自已故求世尊示見然妙音不能自見必 一初妙音求見旣承遠召宜在有緣至此而不獲一

修何功德有是神力。 爾時華德菩薩白佛言世尊是妙音菩薩種何善根 江江田 山田 公上 竟 文殊等乃妙音欲來之時自白本師之語。然此亦 難行之事。况夫捨彼淨光遠入穢土是為甚難故 多寶舉此以顯其所讚非虛譽也。妙音忘情遠來 現在神智三後論三昧名字 初二 一華德請 華有一德一顏色妍麗一香氣清芬。菩薩色相端 問二如來引答一初 二如來論其功德三 一先論宿世善根二次論 卷七 1

一波華指第疏 佛告華德菩薩過去有佛名雲雷音王多陀阿伽度。 時雲雷音王佛所处音菩薩技樂供養奉上寶器者 妙音菩薩於萬二千歲以十萬種技樂供養雲雷音 阿羅訶三藐三佛陀國名現一切世間劫名喜見。 淨華宿王智佛國有是神力。○華德於汝意云何爾 王佛,并奉上八萬四千七寶鉢以是因緣果報今生 嚴道德充溢似之。故以爲名文殊一見便識華德 昔為妙莊嚴王歷世以來。互相起發故今仍示問 雖見猶疑故重問也又妙音昔為淨德夫人。華德 二如來引答

登其人乎今此妙音菩薩 二十三年 二日本三七几 **瞽故取粉雲**馬推邪應機智辯無礙故自在如王 初先舉本師。佛號雲雷音王者。音出慈門警覺聾 國名現一切世間者一土異見淨穢不同如諸天 也。〇妙音下次引本事彼時即名妙音者。人博說 同 法之號。非今始名也。樂至十萬可稱鈞天況經萬 住世見者歡喜此妙音本所事佛及所依劫國名 有八萬四千。其供養之盛可知由此處得天樂隨 一千歲其願力之固可知。鉢名七寶元為法器。光 器食廳妙各異劫名喜見者。當此之時。有佛 卷七

華德是妙音菩薩已曾供養親近無量諸佛人植德 善根修何功德有是神力之問也〇華德下結會 行菩薩與俱故云以是因緣等。此結答華德種何 古今。昔之妙音。即今之妙音。因果分明無煩再問 初 矣先論宿世善根竟 一次論現在神智一 極顯因力二詳示果用

本文值恒河沙等百千萬億那由他佛

雷音時爲然也又值等者謂雷音之後復值若

已曾供養等謂雷音已前早已供佛植德不惟於

華德汝但見妙音菩薩其身在此而是菩薩現種種 身。處處為諸衆生說是經典 或現梵王身。或現帝釋身。或現自在天身。或現大自 在天身。或現天大將軍身。或現毘沙門天王身。○或 二三三三三 大 諸佛親近供養則向下之神智無礙者有由來矣 準楞嚴觀音應機現身或為合脫其倫或為隨分 增益。今妙音專為說此此二士同一說法而正兼 一詳示果用二一總標二别明 一别明 一别明現身一總結神智一初 卷七 一應化世間二應化出世

衆難處皆能救濟○乃至於王後宮變爲女身而說 **伽**人非人等身。而說是經○諸有地獄餓鬼畜生及 現天龍夜义。乾闥婆阿修羅迦樓羅緊那羅摩睺羅 婦女身。或現婆羅門婦女身。或現童男童女身。○或 士身或現宰官身。或現婆羅門身。或現比丘比丘尼 優婆塞優婆夷身。或現長者居士婦女身。或現宰官 現轉輪聖王身或現諸小王身或現長者身或現居

經云八健提天中力士也毘沙門此云多聞。北方

初現天眾身。梵釋自在釋見序分。天大將軍者大

去」生日章和一卷七 現人衆身二王可知。長者謂年高德重衆所推尊。 天王之名。不言餘天者可例知故。○或現轉輪下 戒持身。依法修行婦女謂將身適他隨夫榮鄙童 壽佛前佛後等也然此等以難緣所障不得見佛 欲各各不同而菩薩神通智慧皆能應現。○或現 男者。未冠之稱。童女者。未嫁之名然此等心行樂 民輔政婆羅門謂淨行高潔山野自開四衆調奉 居土調愛談名言清淨自居宰官謂剖斷邦邑澤 必說法故○諸有下現難處身。聚難處者。北洲長 天龍下現八部身而說是經句通上諸身以現身

無妨說現以異類中行從古有之也。〇乃至下現 聞法而菩薩特為現身效離難緣。文雖不言現身。

其中言女人雖非難處但少為父母所禁長為夫 宮女身乃至者超略之辭。凡一切有制之女皆在

宮禁之中。足難踰閩若非菩薩神變智慧將老死 主所持。老為見女所阻終身受制無自由分况在

重闡又焉能觀至人而聞妙法也哉而說是經句 亦應通上以救濟原爲說經故。

華德是妙音菩薩能救護娑婆世界諸衆生者是她 一總結神智

音菩薩如是種種變化現身。在此娑婆國土。為諸衆 以若干智慧。明照娑婆世界。今一切衆生各得所知。 於十方恒河沙世界中亦復如是。 生說是經典於神通變化智慧無所損减。是菩薩 上江五三丁至於 無形。形既無形。萬機頓赴而不勞於神何損照旣 初正結神智夫法身無相應物而形般若無知。對 於我何為者此也。〇是菩下。以此例餘雖專弘法 緣而照對緣而照故照即無照應物而形故形即 華。而開導隨機故云若干智慧。今無上菩提而人 無照千門殊對而無慮於智何減所謂紜紜自彼 卷七 し

若應以聲聞形得度者現聲聞形而為說法應以辟 支佛形得度者現辟支佛形而為說法應以菩薩形 佛形而為說法,如是種種隨所應度而為現形乃至 得度者。現菩薩形而為說法應以佛形得度者。即現 應以滅度而得度者一元現滅度。○華德妙音菩薩摩 訶薩成就大神通智慧之力。其事如是。 殊方。故云十方沙界亦復如是應化世間竟 者脫故云各得所知。然妙應不滯一隅大化豈揀 人有分。故日明照娑婆應種者種應熟者熟應脫 一應化出世

上公生三旦宣和 今進開此經故即現聲聞形而爲說法。辟支菩薩 聞形得度若現餘形。尚不願見又焉能咸革其心。 形準知。若素慕佛道欲見佛身。是應以佛形得度 初别明現形。素重聲聞之道仰慕其人是應以聲 設爲現餘形。反乖大心故即爲現佛形。如是句。結 度者。示現補處應以入胎形而得度者。示現入胎 上已說乃至句。通收八相如云應以補處形而得 等。馬避繁文故超略言之若聞佛滅度。心生渴仰 僑态。令生厭怠。故即一下現滅度所謂雖不實滅。而 便種善根是應以滅度而得度者。設現住世反起 卷七

妙音菩薩住是三昧中。能如是饒益無量衆生。 生。○佛告華德菩薩善男子。其二昧名現一切色身。 世尊是菩薩住何三昧。而能如是在所變現度脫泉 爾時華德菩薩自佛言世尊是妙音菩薩深種善根 指告華德以及餘衆也次論現在神智竟。 言滅度是也。○華德下。總結神智前結應化世間 但云神智此結應化出世復置大言其事如是者。 謂聞佛所說已知妙音菩薩深種善根有是神智 初華德請問文殊已問世尊未答故華德再問意 三後論三昧名字

說是妙音菩薩品時與妙音菩薩俱來者八萬四千 得是三昧及陀羅尼。 人皆得現一切色身三昧。此娑婆世界無量菩薩亦 一は玉二寸金に 能如是尚而為說以便隨學。〇佛告下世尊一不答。 然雖由宿因亦資現緣但未知現在住何三昧而 尤勝也。如來論其功德竟。 三昧之名。與喜見所證稍異蓋同一三昧而業用 俱來菩薩乃具體而微者。故因是說。皆能證入。此 二妙音事畢還國三 一饒益事畢一妙音還國 二對佛述成 卷七

界菩薩於前品已能彷彿。既聞此品徹證無違。故 云亦得不惟得是二昧且能獲總持力。於佛所說

若文若義憶念受持。無有遺忘以是而流通斯法 自然塵劫不墜光照妙音之來。蓋爲此也

二妙音還國

塔已還歸本土。所經諸國八種震動。雨寶蓮華。作了 爾時妙音菩薩摩訶薩供養釋迦牟尼佛及多實佛 十萬億種種技樂。既到本國與八萬四千菩薩圍繞

至淨華宿王智佛所。

上科兩衆獲益顯化他之功。此科供佛及塔。彰

行之美。自他兩利。更無所事故應還歸本上。所經 見釋迦。如是而見宿王從容自若始終無移所謂 諸國等。如是而來。如是而去。既到本國等。如是而 於神變智慧無所損减者於此益見。

三對佛述成

菩薩及見藥王菩薩得勤精進力菩薩勇施菩薩等。 佛。及見多寶佛塔。禮拜供養。又見文殊師利法王子 日佛言世尊。我到娑婆世界。饒益衆生見釋迦牟尼

去 连 日 声 加 一 卷 七)亦令是八萬四千菩薩得現一切色身三昧。 初述所作事。蓋來既禀命。歸當覆旨也亦今下。述

油事持等 **邓華德菩薩得法華三**珠。 說是妙音菩薩來往品時。四萬二千天子。得無生法 不可謂之無不可謂之無無相也不可謂之有。 去無所滯無粘無濫故不可謂之有而來而去故 現前是爲得無生法忍華德菩薩見其來無所粘 四萬一千天子。目見其來。目見其去瞪矇瞻視。一 所成益。妙至事畢還國竟 無有相也。一相俱無妙證實相是爲得法華三昧。 念不生繼而并來去相亦不可得不生滅性。則然 四此衆聞品獲益

妙法蓮華經觀世音菩薩普門品第二十五 七年上月堂本 老七 子。三月供佛齊僧。遂發願云若有衆生受三途等 别行玄云西方正音名阿那婆婁吉底輸。此云觀 妙音忘情弘經竟 世音準悲華經過去實藏佛時有轉輪王第一大 苦凡能念我稱我名字。為我天眼天耳聞見不免 苦者。我終不成菩提。由是彼佛字以觀世音號又 二觀音遣相圆應云題 楞嚴經菩薩自陳云。由我供養觀音如來。蒙彼如 來授我如幻聞熏聞修金剛三昧。成就三十一

從此出經中但顯其用。題中兼出其體合人與法 義同悲華。若究其能救之因。功自反聞。亦攝楞嚴 前品妙音菩薩蒙照而來事畢而去。似有去來之 體備聚德曰普用所由現日門言菩薩自獲真實 門於大會中。授記我為觀世音號。今經尋聲救苦 相若果有去來。則赴應不廣為造此相。故說此品 目日觀音普門若明别義者。一為遣前品之相以 圓通恒沙性德皆悉具足隨機應現恒沙妙用。皆 十四無畏四不思議彼佛如來歎我善得圓通法 一念繞舉。泉苦即脫咸應自爾何去何來。一

於此似有没現之迹若果有没現則彼此互遺為 二百 一一卷七 寫拂前品之迹以前品妙音菩薩於彼國没而現 遣此迹故說此品。今知分身偏應。一直未移十方 薩惟顯說法之用雖諸難俱濟而略不明顯。今則 俱在何出何没。三為題抜苦之用以前品妙音菩 以常念恭敬。滅貪瞋癡尤為救世急要五為顯攝 音菩薩專重現身說法不言持名破惑其如衆生 廣顯拔苦以足前用。四為顯救世之急以前品妙 三毒熾盛聞法良難。若無方便。反失利益。今此品 俗之易以前品專弘法華。重在契真其如衆生兒

禮拜供養。便生福慧之男有相之女。尤爲攝俗善 證圓通而獨稱真實匹六十二億恒少菩薩而持 權總言菩薩慈悲廣大響願弘深。超二十四聖所 福正等。論應化之宏功。盡圓妙之極致。如斯流通 可為指南战殿正修而說此品。經文 女情重佛法念輕若不順俗并真亦失。今此品以 長行别示一偈頌合顯三聞品獲益 岩全依 問答得名所以一 問

答遊化方便 初二 一當機舉名請問二如來

備示威應

作是言。世尊。觀世音菩薩以何因緣名觀世音。 爾時無盡意菩薩。即從座起偏袒右肩合掌向佛而

盡菩薩之意亦無盡故若思讃云。世界無邊塵擾 菩薩名無盡意者。以最初發意、欲盡生界。生界無

無盡意。正修之終一不爲當機者以究竟流通惟是 擾衆生無數業忙忙。愛河無底浪滔滔是故我名

意無盡故袒肩以便執役盡資道也合掌以秉一

心。敦請儀也。觀音望尊法界。風偃羣賢名不自彰。 卷七

去善与宣充

は書す造み 苦一别示持名感應三結答得名因緣 所以一廣顯稱名威應 初三 彰必有由故問以何因緣各觀世音蓋欲如來因 名示行。以為末世弘經者法也。 初總標季聲救苦光惱無畏。 一如來備示威應此即楞嚴十四無一正答得名 一總標尋聲救

薩即時觀其音聲皆得解脫。 受諸苦惱聞是觀世音菩薩。一心稱名。○觀世音菩 佛告無盡意菩薩善男子。若有無量百千萬億衆生

初受苦稱名。無量百千等是泉多不定之數非問

出る金三百金大儿 身心亦可。蓋苦楚其身而惱亂其心也。又云别列 只有如許衆生也楞嚴正脈疏云苦惱雖通分約 時觀其音聲者。尋其聲在何處而加被之。楞嚴二 衆生。一向循塵也以觀觀者謂就彼能觀反觀自 生。觀其音聲。即得解脫釋義則不自觀音。謂不似 不盡一切諸難。皆攝此中。○觀世下尋聲今脫。即 發稱我名號。故云觀其音聲。不言稱名而言觀聲 性也。自能如是修習亦能合彼苦惱衆生聞名咸 者稱名但屬事念觀聲亦兼理持。蓋由菩薩慈力 一者由我不自觀音以觀觀者合彼十方古惱泉 卷七

は事才等み 若有持是觀世音菩薩名者。設入大火火不能燒。由 是菩薩成神力故。〇若為大水所漂稱其名號即得 應。同中有異。幸勿刻舟。 聲指在機域。此經惟為顯用。故觀其音聲指在聖 有事有理但以事修永必契理。理修無不攝事。故 加被能合理事兼修故今經一心稱名。古德亦言 但言觀聲。即兼稱名也。然事修稱名。機心與聖心 相交理修忘塵苦性與聲性俱寂故云即得解脫。 兩經所以不盡同者以楞嚴偏重勸修。故觀其音 一别一示持名威應

淺處。一若有百千萬億衆生為求金銀琉璃硨碟嗎 隆名者是諸人等。皆得解脫羅刹之難。 舫。漂墮羅利鬼國其中若有乃至一人稱觀世音菩 码朔瑚琥珀真珠等寶入於大海假使黑風吹其船 上一些三日宣告大儿 神無量故令一心稱名者即為大悲威光所攝不 以悲願。故能如此被經三二者知見旋復。今諸衆 **墮火難。如入山陰暑不能侵也此蓋自利餘力。加** 生設入大火火不能燒釋義則知見旋復者謂六 初能救火難。此則楞嚴。楞嚴山脈三證極法界威 根互通。菩薩既旋間復性。知見亦隨間而旋復。所 卷七

舍而滅。○若為下能故水難。此即楞嚴、不言威神火轉降。○若為下能故水難。此即楞嚴、不言威神人,以所及草屋大風。必無免理。一心稱名。風回做比。應驗傳云。就長舒。晉元康年中於洛陽為延 性也然聞聽屬水。與一 者進上可知故楞嚴云三者觀聽旋復合諸果生 之力者亦由旋復功極。與中有同應須善會後皆 火性相通故見業変則見猛火。今知見旣旋亦能 謂 隨威旋彼餘火故今衆生入火不燒。今經言威神 見大水今既旋聞復性。亦能隨咸旋彼餘水故今 大水所漂水不能溺釋義則觀聽旋復。正旋聞復 根反一不少處解脫是也。然見覺屬火與一 切水性相通故開業変則

去自台章点 泉生大水不湯垂半二人前陷。一人次沒問進退 終不可獨往故舉百千萬億總數不定言多少也 還得無量倍所以為求金銀乃至入於大海風而 賢思經一二日殖百倍。商買千倍。住官萬倍入海吉 皆解脫者。各所在處鬼不能近故楊嚴一二四者。斷 滅妄想。心無殺害。合諸衆生。入諸鬼國鬼不能害。 日黑鬼怪風也。由此所以吹入鬼國一人稱名泉 正脈釋一克神以陰隱爲想因以殺害爲墮緣故 無畏、大成云人海水珍結件無定雖無定數 板至夜週赤光。竟達是〇若有下能免思難。

菩薩於反聞時。內滅妄想。外絕殺業全超思神心 行以此全超威力能令稱名者免於思害。傳云。外

思國思欲盡食。合鄉稱各得免。人從師子國泛海忽遇惡風漂墮

以是因緣名觀世音。 三結答得名因緣

結答以釋無盡之疑疑斷信生故向下更為廣顯 得名因緣。尚有多種。如上所說可知梗槩。故就此

正答得名所以竟。

一廣顯稱名感應四 一能應一求四能得多惡 能脱四難一 初二

杖尋段段壞而得解脫。 上公正上日皇本机 臨當被害者。或屈遭憲網或誤入讎門。頃刻身首 異處須臾性命不保當此之時。猶能稱名繫念則 臨當被害万段段壞使其兵戈猶如割水亦如吹 一能脫刑難四能脫賊難 刀杖尋來尋斷段段零落而銛利無所施也楞嚴 三昧之熟於平日可知。由此所以感聖遮救令彼 五老熏聞成聞,八根銷復同於聲聽能令聚生 絶紀神力 八臨當被害稱觀世音菩薩名者彼所執 初四 能脱戮難一 初此即楞嚴 刀戈無畏 一能脫鬼難

竞生叔之理遇事便融。故能令如割水吹光晉大 聲聽者。謂其餘五根。銷妄復真亦同聲家之聽以 修妄聞以成究竟堅固之真聞也六根銷復同於 光。性無搖動釋義則熏聞成聞者謂以反聞力。東 当井写山 固之性隨咸偏周故能令彼刀叚叚壞俱銷故罪 類雖同馬思 中。彭城 精明。銷則俱銷復則俱復也。俱復故究竟堅 居住此即楞嚴 人。被枉為賊常供金像帶髻中。後伏 及各出。文前因里以何里。答前约一城思見無畏,問。此

若三千大千國土滿中夜义羅刹欲來惱人聞其稱 觀世音菩薩名者是諸惡鬼尚不能以惡眼視之況 復加害。 上江至上了全市 神的至故諸思莫視視尚不能加害豈得故云况 界滿諸思。且欲惱人。極言其可畏也聖號幾稱成 復楞嚴云八者聞熏精明明偏法界則諸幽暗性 富單那等。雖近其傍。目不能視。正脉釋云。首一 言反聞功極發本明耀圓照法界也次一句言思 神陰隱想習。向暗背明。反不堪於光耀。如泉鳥夜 不能全能合眾生藥义羅利。鳩樂茶思及毘舍遊。 卷七

視書盲羅刹向日不見是也。威攝衆生意準前知。

下可類通。

二能脫刑難此即楞嚴

設復有人若有罪若無罪。祖械柳鎖檢繫其身稱觀

世音菩薩名者。皆悉斷壞。即得解脫。 有罪者。自干非法無罪者被人枉陷在手口 一械以木加頭目柳以鐵練體日鎖然此四者

護四刑皆斷就法者原其情而釋之。故云即得 總為京而縛之。令不自在故云檢繫其身。持名感 院员先王制法用以懲惡無罪救之固所直矣。設 罪。且不從惡殃民壞亂

口宝巴司包九 者。何獨於大士一子之仁而生疑乎。楞嚴云七者宗之存仁。曾未聞有議其傷於名教器一天七者時大告。聖人善莊公之補過唐禁笞背。君子美太過當不住一箇悔字。然既能稱名。已知悔矣。况魯 諸妄既復以真護彼能令柳鎖斷壞諸塵既減以 音性 空融彼能令禁緊同虚故云所不能著。傳云。蓋養 諸塵亦隨聲而銷滅見等諸妄亦隨聞而旋復也 觀聽返入者謂耳根旋復也離諸塵妄者謂色等 鎖所不能著釋義則音性圓銷者問聲應銷減也 放光照之。鎖脫罪判决。繫獄應 四能脫賊難此 圓銷觀聽返入離諸塵妄能合衆生禁繫柳 死。三 即 無楞嚴 開 。 事光而去。行二十里光乃息 日三夜稱名無問。忽見觀音

故即得解脫 若三千大千國土滿中怨賊有一 能以無畏施於衆生汝等若稱名者於此怨賊當得 持重寶經過險路其中一人作是唱言諸善男子勿 得恐怖汝等應當一心稱觀世音菩薩名號是菩薩 解脫眾商人聞俱發聲言南無觀世音菩薩稱其名 貨畜難得故云齋持重實如此而入賊國易招封 豐智富為泉商之主也主必偕件故云將諸商人 國滿怨賊極言其莫可避也又賊而曰怨者不惟 圖財復欲致命故商主者善識貴賤善解貿易財 商主將諸商人。亦 出生自含机 大成云或曠絕幽隘之處或怨賊衝出之徑皆名 害児又經過險路。寧復得脫此九死一生之際也 **澰路其中一人者素奉佛法之人素奉佛法知有** 弗遑稱故得脫者威懾怨賊慈回惡念蓋以威應 滅音者聲塵不隔。圓聞者根性常偏常編故尋聲 道交捷如影響故云即必楞嚴云八者滅音圓聞 以無畏等一下以堪救聞言即稱者懼難迫邇傾誠 能救故唱言勿得恐怖教以稱名者令其知歸能 編生慈力能令衆生經過險路賊不能封釋義。則 所在。偏生慈力慈力故隨處護生應緣化暴故能 後と

若有衆生多於姓欲常念恭敬觀世音菩薩便得離 無盡意觀世音菩薩摩訶薩威神之力巍巍如是 事打算或 脫難竟。 今諸衆生遇賊不 力。傳云。晉隆安 楞嚴各有所因不離耳根圓通今經不出別緣總 結威神之力異中有同已標前疏巍巍者如山高 一虎跑吼。諸羌驚散。虎咬栅作穴。達竟得脫。別明栅中。何來日殺而食之。達竟夜稱名。至旦忽則明人言戶人,沒具一去北隴掘甘草。被羌人所獲閉 大可仰而不可及也能脫四難竟 一若多順志常念恭敬觀世音菩薩便得離順 一能離三毒二 二總結神力 一别明離毒一 一總結神力 初

若多思凝常念恭敬 上台连台管流 床等報臨終現前積寒堅氷等獄從頭自受由此 何畏之有答有二義故。可說怖畏一初能離食毒苦境可說怖畏食等二 知畏常念恭敬以念力而對治姓心祈慧刻而 何 聞離塵色所不到能令一切多姓衆生遠離貪欲 招來世妻不貞良眷屬乖意尤其甚者銅柱鐵 如是數數現起輕而損身喪德重而亡驅失命 者言之。食欲中惟姓為最故偏舉之多於者賦 知畏求 招苦果二者對境數起力不自由蓋約信 愛網。感道交故云便得離欲楞嚴云九者惠 之有答有二 卷七 觀世音菩薩便得離 因識

沙事打等政 寶乎能令衆生離欲者攝彼同已空諸色故。一若 自受由此知畏常念恭敬以念力而制伏瞋機仗 云十者純音無塵根境圓融無對所對能令一切 慈風而拂我恚熱尋聲蒙救故云便得離順楞嚴 輪等相臨終現前宮割斬听。到刺槌擊等事從頭 被他求班為人惱害尤其甚者刀山鐵橛劍樹 多下。能離瞋毒、雌毒無畏。多瞋恚者對境便熾夷 正脉釋云。反聞離塵逈脫於色而色豈能劫於家 忿恨衆生離诸順恙正称釋云純音無塵謂音雖 可禁制輕則傷氣取辱重則忘身及親且致來世

上二年三十五年 太儿 能令脫瞋者以瞋生於敵對遠拒今無對所對。瞋 凝毒。此即楞嚴多思癡者迷正知見起那分别小 不壞而已離塵染之過即心境一如也根塵融爲 無由起攝他同已故令彼亦然也〇若多下。能離 終現前。勘問權許考訊推鞫等事從頭偏歷由此 其心蹈曲尤其甚者。王使主夷證執文籍等相。臨 而事理錯亂大而邪正顛倒且感來世生邪見家。 知畏常念恭敬以正念而敵破邪執邀慧目而照 我迷雲隨念現應故云便得離癡楞嚴云十一者 法故無能對之根亦無所對之塵無對所對而 一卷七

銷塵旋明法界身心猶如琉璃。朗徹無礙能令 妄塵所蔽無明所覆銷塵則無蔽旋明則無覆故 切昏鈍性障諸阿顛迦永離癡暗温陵釋日凝由

準上可知。 二總結神力 外之法界內之身心凝瑩期徹離凝暗矣能令等

無盡意觀世音菩薩有如是等大威神力多所饒益。

是故衆生常應心念

滅枝末隨銷故云多所饒益有斯饒益是可歸依 故誠以常應心念心念云者且念且觀非止口誦 無始三毒。一稱名而即滅故云大威神力。根本旣

若有女人設欲求男禮拜供養觀世音菩薩便生福 德本泉人愛敬。 德智慧之男〇設欲求女便生端正有相之女 宿植 去连与官旅 已也會通楞嚴準前可知能離二毒竟 享儀真行實乃致聖應不同在難惟須持名即得 為自夫所棄二者為餘婦所輕三者為傍人所笑 存嗣。故欲求男禮拜者以身致敬供養者以財致 爲脫此苦故須求也又不孝有三無後爲大體夫 初能應求男。此則楞嚴女人無子有三種苦。 三能應二求二一別明應求二總結神力 卷七

覺此即事而理也。由即事而理故無違真而應俗。 諸根圓拔內瑩發光根身器界應念化成無上知 令法界無子衆生。欲求男者。誕生福德智慧之男 哲四美具足正以見聖惠之無涯矣楞嚴云十一 所以不動道場涉入世間復由理事無礙故事亦 釋義則融形復聞者謂融銷幻形以復真聞所謂 十方供養微塵諸佛如來各各佛邊爲法王子能 者。融形復聞不動道場。涉入世間不壞世界能偏 能令便生有漏有德者富而賢有智有慧者貴而 也菩薩以法王之子。餘福餘慧利及無子衆生故 いき可能化 佛各各佛邊為法王子能合等義已備現文隨疏。 事事無礙故身亦隨界而一多俱在所以供養諸 如理而廣狹相即所以不壞世界能偏十方復 親有男無女亦非全美故半子亦有求者不言禮 供者。準上可知故菩薩承順諸佛領受法門餘功 餘德利及無女衆生故能令便生端正以備女品。 〇設欲下能應求女。此即楞嚴。男承內嗣女結外 其文也。眾人愛敬者親愛而不敢干犯敬畏而不 有相以主貴格宿植德本者亦顯有福有慧但變 忍廻避。正以端而有相慧而多漏故致然也楞嚴

鏡。空如來藏承順十方微塵如來。秘密法門受領 無失能合法界無子衆生欲求女者誕生端正福 以空藏之名。由鏡義故承順如來秘密而明照無 德柔順果人愛敬有相之女釋義則六根互用日 云十三者六根圓通明照無二一含十方界立大圓 違。由藏義故受領如來秘密而含攝無失柔順即 無遺明照無二故立為鏡智之號含界無遺故立 是智慧以有智方能柔順盡坤道備女德也 圓各各無礙日通互用故明照無二無礙故含界

一總結神力

無盡意觀世音菩薩有如是力 若有衆生恭敬禮拜觀世音菩薩福不唐捐是故衆 生皆應受持觀世音菩薩名號 上。由上日旨流 名。皆畏也。今持觀音。 力即神力同上能應二求竟 量三結顯福多 四能得多福心何 心存恭敬身行禮拜不惟遇難能免有求必應而 多福是故 且因兹獲福終無虛棄即或不暇禮拜。持名亦得 切衆生皆應受持然此中恭敬屬於 卷七 初 楞嚴持名無畏問持名出 所畏耶答。恐其無功及不勝餘 學福勸持一 E 以餘較

活事が当る

意業禮拜屬於身業持名屬於口業意業為主必

不可少身口為從單複皆得也。

二以餘較量

無盡意若有人受持六十二億恒河沙菩薩名字。復

盡形供養飲食衣服卧具醫藥〇於汝意云何是善

若復有人受持觀世音菩薩名號乃至一時禮拜供 男子善女人。功德多不。無盡意言甚多世尊。〇佛言。

養是二人福正等無異於百千萬億劫不可窮盡。

娑婆修法垂範效化衆生者實由如來現量所知 一初設言持餘六十二億恒沙菩薩據楞嚴皆現住 上二年三日至 九一人卷七 養其時可謂常矣四事具足其供可謂備矣。於 非假設之數也。如數受持其名可謂衆矣。盡形供 汝下問答功德兩滴雖微聚地尚可成流塵顱至 禮拜不及四事具足之供備也以二人之行迹論 言下。以此較量受持觀音不及六十二億恒沙之 四事。盡形供養所得功德自應無盡故如來故意 細積筐便足培岳况復如許菩薩依名受持若干 之有類霄壤以二人之福德論之不異孫毫蓋以 名衆也。乃至一時不及盡形供養之時常也但行 垂問為多與不而當機菩薩直以甚多答之。(佛

能編成稱為妙此門已發能通餘門通餘門故構 發妙耳門然後身心微妙含容周編法界能合衆 餘諸菩薩隨順衆生方便智慧各各不同而觀音 子二人福德正等無異釋義則觀音圓通獨稱本 倍理應然也楞嚴云十四者。由我所得圓通本根 獨得圓通本根普攝一切一根既可以敵諸門。 生持我名號與彼共持六十二億恒河沙諸法王 偏嘗眾水無逾大海一味圓根與不圓根日劫相 名亦可以等餘號其猶身附鵬翼堪比庶鳥干翔 根者以此方真教體清淨在音聞故又以其能容

餘門而同已微妙。亦同已容偏故云然後身心等 也能令等義已於現文疏釋

二結顯多福

無盡意受持觀世音菩薩名號得如是無量無邊漏 大きの大

德之利。

此福是無漏之福而又獨為最勝故稱無量無邊

以具含容周偏。一種微妙義故問答得名所以竟 二問答遊化方便二 一當機進問遊化二如來

備示感應 初

學一個表別的學

無盡意菩薩白佛言世尊觀世音菩薩一云何遊此娑

卷七

上生三十二

婆世界。云何而爲衆生說法方便之力。其事云何。 來同慈力故。今我身成三十二應入諸國土。如來。授我如幻問熏聞修金剛三昧。與佛如 以身涉世必有方便之力。但不知其事云何故為 應故問云何遊此娑婆。云何為衆說法蓋以菩薩 如上所說。但顯冥加之功。未彰顯應之力。欲知顯 問也。二如來備示處應二 婦六能應二童七能應十類八能應力士 二能應六天三能應五人四能應四衆五能應衆 正答遊於娑婆 明應顯化一 一結德勸供 初申楞嚴三十二應。彼經云 初八 一廣顯應化諸國 一能應三聖

刻

佛告無盡意菩薩善男子若有國土衆生應以佛身 支佛身得度者即現辟支佛身而為說法。 聞身得度者即現聲聞身而為說法。 得度者觀世音菩薩即現佛身而為說法。應以 长差与室前 修無漏。勝解現圓我現佛身而為說法令其解 釋義則入三摩地者謂依彼反聞之功上求佛 初能應菩薩若有句。文雖局此義買羣機以除佛 也進修無漏者謂漸次修治以期無漏如云此根 初解及空性圓明等是也勝解現圓者謂無漏勝 人九界皆生故楞嚴云若諸菩薩入三摩鬼進 老七 J 應以聲

義則有學者謂將證無學猶未證也温陵日獨覺 求自然慧故日寂靜妙明緣覺者。票佛之 者出無佛世觀物變易自覺無生者也樂獨善家 緣覺楞嚴云若諸有學斷十二綠緣斷勝性勝妙 慧不久即圓如云先得人空及成法解脫等是也 現圓我於彼前。現緣覺身而為說法令其解脫釋 爲對此機故現佛身爲說勝進之法令於隨分法 愛以至究竟成佛也○應以下。能應辟支此有一 圓我於彼前現獨覺身而為說法。今其解脫一應 應獨覺楞嚴云若諸有學家靜妙明。勝妙現

上二三三三二二六 性然此一類俱稱勝妙現圓者各指自類極果於 滅至憂悲苦惱滅則緣斷而勝性現矣性因緣斷 悟道者也知迷勝性。由十二緣於是斷之。自無明 身為說勝進之法。命離分段生死名為解脫○應 而顯故日緣斷勝性正脈云勝性即因緣無生之 修道將盡時。預現圓滿之相也對一類機現二 以下能應聲聞。現文可了楞嚴云者諸有學得 為說法。令其解脫釋義則有學者謂前三果也得 諦空修道入滅勝性現圓我於彼前現聲聞身而 四諦空者謂初於佛邊得聞四諦及空無我理也 卷七

釋身得度者。即現帝釋身而為說法。應以自在天身 應以梵王身得度者。即現梵王身而為說法。應以帝 證涅槃。故云修道入滅勝性現圓者謂羅漢向中 最勝滅性預見圓滿之相也現說命解準上可知。 由聞四諦法故知三界苦修出世道。分斷見思。分 能應六天

得度者。即現自在天身而為說法應以大自在天身 得度者。即現大自在天身而為說法應以天大將軍

身得度者。即現天大將軍身而為說法。應以毘沙門

身得度者。即規毘沙門身而為說法。

七台苦日日堂花 準楞嚴欲心明悟。不犯欲塵欲身清淨即是應以 梵王身得度欲為天主統領諸天即是應以帝釋 得度欲身自在飛行虚空即是應以太自在天身 身得度欲身自在遊行十方即是應以自在天身 得度愛統世界保護衆生即是應以四天王身得 身得度者亦以四王攝故。然此中色天惟舉然王 此下更有愛生天宮驅使鬼神應以四王國太子 度。今言毘沙門者。四王舉一。以該其餘也準楊嚴 得度愛統鬼神教護國土即是應以天大將軍 欲天惟舉上下。餘非不現義可準思。隨類現身而 卷七

爲說法者雖不言說何等法詳楞嚴盡是依果說

因令其成就亦先以欲率意也下做此。

二能應五人

者身得度者即現長者身而為說法應以居士身得 應以小王身得度者。即現小王身而爲說法應以長

度者。即現居士身而為說法應以宰官身得度者。即 現宰官身而為說法應以婆羅門身得度者即現婆

羅門身而爲說法。 應以小王身等者。楞嚴一一一若諸衆生樂為人王。我 於彼前。現人正身而為說法令其成就正脲釋二

长在日章充 典章也清淨自居。謂隱淪不仕。如此方王通邵雅 度者楞嚴云。愛主族姓。世間推讓正脉釋云。西天 以理邦國菩薩為其現所欣之身與說生貴之因 此必有德懷仁不忍世亂發願世世為有道之下 愛談名言清淨自居正脈釋云此有德無位或談 稱長者。非止年高、蓋世臣大家高兼有德望者之 及帝王德業以熏隔生之種而已應以長者身得 之類應以宰官身得度者。楞嚴云。愛治國土。剖斷 道論德為人師範或者書立言垂教後世名言謂 稱然亦非現生可得應以居士身得度者楊嚴云。 卷七

丘比丘尼優婆塞優婆夷身而為說法。 應以比丘比丘尼優婆塞優婆夷身得度者。即現比 應以婆羅門身得度者。楞嚴云愛諸數術攝衛自 謂攝生衞身。鍊神調氣。西域婆羅門。類多習此 居。釋義。則數循者。謂和合占相推步盈虛。攝衞者。 邦邑温陵釋日三台輔相。州牧縣長悉號宰官也 四能應四衆

成就。如稱揚持戒。讚歎然行之類若有男女樂持

比丘比丘尼身得度而為說法者說出家法令其

华楞嚴若有男女好學出家持諸戒律。即是應以

應以長者居士宰官婆羅門婦女身得度者。即現婦 女身一而為說法。 去连白岸流 者說居家法。如云不離塵勞而作佛事不捨妻子 五戒即是應以優婆塞優婆夷身得度一而為說法 過三十二也楞嚴云若有女人內政立身以修家 所應有四能應不分者。收為一 道。儒書云教令不出起門数日內或言閨門為萬 而修梵行之類。 爲說法令其成就正脈釋云內政。即泛言一 國我於彼前現女主身及國夫人命婦大家站 卷北 五能應衆婦 類故若開之則數 当

應以童男童女身得度者即現童男童女身而爲說 宰官之婦有誥命者即是命婦長者之婦多德望 語邦君之妻。日君夫人。命婦謂妻因夫榮者。大家。 諸侯以上。孤山日。女主即天子之后。國夫人。如論 化之源故關於家國之治亂家通大夫以下國通 譯者略耳。六能應二童 居士之婦多學識婆羅門婦多數術三者皆可以 惠姬和帝數召入宮令皇后貴人師事焉今此中 爲大家不言女主及國夫人者準上王身應有蓋 如後漢扶風曹世叔妻者同郡班彪之女名昭字

應以天龍夜义。乾闥婆阿修羅迦樓羅緊那羅摩 羅伽人非人等身得度者。即皆現之而爲說法。 上去世上日堂流 度正脉釋云即有志一生不犯女色者也若有處 準楞嚴若有衆生不壞男根。即是應以童男身得 求侵暴者。謂堅貞自守縱有强施侵暴。亦誓所不 女。愛樂處身。不求侵暴即是應以童女身得度正 從也。七能應十類 脉釋云愛樂處身者。願常為處女終不出嫁也不 此中八部準楞嚴皆是樂離本倫以入人倫而菩 卷七

道為能故也人非人等者統收前來不盡之眾。如 有非人不置此言恐謂妙應有遺故此統收以足 薩為之說法令其成就蓋以整心慮趣菩提惟 王臣長者居士等外更有餘人天龍夜义等外更 三十二數。八能應力士

應以執金剛神得度者即現執金剛神一而爲說法。 正法念經三昔有國王第一夫人生千子。王置千

籌欲試當來成佛次第拘留孫探第一籌乃至樓 說法。一願爲金剛力士護千佛教今云應以執金 至探末籌第二夫人生二子。一願為梵玉請千佛

無盡意。是觀世音菩薩成就如是功德以種種形遊 者大成云說推那輔正之法令其成就也然此 力士。手執金剛之杵。故亦名金剛神也而為說法 剛神得度者即是願護佛教樂爲力士之類以此 子。今經則無婦中彼多女主及國夫人今經亦略 三十二應與楞嚴互爲出没如天中彼有四王太 無盡隨說皆得。明應顯化竟。 方。神化莫窮各取易信易見以成三十二數實各 至若此經執金剛神彼則不列蓋以菩薩妙應無 結德勸供

卷七

去连与旨流

思

諸國土度脫衆生○是故汝等應當 心供養觀世

音菩薩。

初結德菩薩以耳門三昧聞熏聞修無作妙力。法

爾具足自在業用故云成就如是功德雖 種形。惟是一真雖日遊諸國土不離當處亦如

月普印一切水一切水月一月攝月不下降水不

應。一是故下。勸供可知廣顯應化諸國竟 升。水清月明法自爾知此意者方可與說三十

議無作妙德是也 又能善獲四不思 正答遊於娑婆此即楞嚴四不思議彼經又云 顯示妙德二應問結答

是觀世音菩薩摩訶薩於怖畏急難之中。能施無畏。 是故此娑婆世界皆號之為施無畏者。 亡皇三十金流 初能施無具 無體形咒二不思議。 一不思議。 能解能救者。由於菩薩同體形咒果體形咒之力 佈畏能解。急難能救故云能施無畏然究其所以 虚耳。楞嚴云一者。由我初獲妙妙聞心心精遺聞。 也是故娑婆等。因德立號正以見能施無畏之不 現衆多妙容能說無邊秘密神咒乃至救護衆生 見聞覺知不能分隔成一圓融清淨實覺故我能 能施無畏二能感供養三能修供養 一卷七

得大自在釋義則初獲妙妙聞心者謂菩薩初得 開性也。妄聞既遺見覺知等。亦隨聞而俱脫故云 調聞心既復精宜之體遺彼根中無始積習虚妄 衆生得大自在此明同體形咒能於急難之中施 現衆多妙容清淨故真秘斯現故於衆多妙容能 見聞覺知。不能分隔無分隔故。一氣圓湛故云成 反聞之心超出餘門為妙中之妙也心精遺聞者。 說無邊秘密神咒慈威並施定慧雙行故云救護 無畏也又云二者由我聞思脫出六塵如聲度垣 圓融清淨寶覺圓融故一多無礙故於一身能

长年上月至北 一人卷七 以一一體軍舉複舉皆各總攝應便俱得也脫 咒諸怖盡脫故云其形其咒能以無畏施諸泉生 咒能以無畏施諸衆生釋義則聞思者六性舉一 定有。但以文略形咒自古不察以致兩經不盡符 此明異體形咒能於怖畏之中。施無畏也然此一 以不受塵縛。故能對緣而現現一一形者。對各機 出六塵者謂六性圓湛不受塵縛也喻義可了正 不能爲礙故我妙能現一一形誦一一咒其形其 而各現也誦一一咒者於各形而各說也見形聞 不思議彼經旣具今經寧無況有後一可證故知

無盡意菩薩白佛言世尊我今當供養觀世音菩薩 一能感供養即楞嚴破壓

言仁者。受此法施珍寶瓔珞。○時觀世音菩薩不肯 受之。〇無盡意復白觀世音菩薩言。仁者。愍我等故。 即解頭衆寶珠瓔珞。價直百千兩金而以與之。作是

受此瓔珞。

難。况是衆寶所成價直百千。若非觀音不思議力。 供養在頭瓔珞。即是身之所著解而施之。已為甚 初當機與供飲風仰德代為衆生祈福故云今當

又就能捨已奉人而作如是之供養哉既以與之

上、生上日言流 哀怒受之而施作佛事也據此則彼經乃觀音自 令衆生捨身珍寶。求我哀愍。温陵釋日本根清淨。 恐其不受故言仁者受此然珍瓔本屬財施蓋以 意有二一謂旣對於佛佛不命受不敢受故二謂 現從頭解受之非義不宜受故〇無盡下皆機重 請重請之意亦二一為表誠器望佛轉致令其必 稱性回向。義同法故O時觀下觀音不受不受之 受故二為泉而施為泉而受無傷於義故楞嚴云 則一切無著故令衆生捨諸慳著也求我哀愍者 三者由我修習本妙圓通清淨本根所遊世界皆

陳。今經乃現見其事。正由今經方見自語之一不虚 復由彼經始知感供之有因也下做此。

二能修供養即楞嚴供養

人非人等故。受是瓔珞〇即時觀世音菩薩感豁 天龍夜义乾闥婆阿修羅迎樓羅緊那羅摩睺羅 爾時佛生觀世音菩薩當怒此無盡意菩薩及四象

衆及於天龍人非人等受其瓔珞○分作二分。一 奉釋迦牟尼佛一分奉多寶佛塔。

初世尊轉致言無盡意既為泉而施若不受者合 所願不滿利益不成豈仁者之所爲乎故世尊勸

去连日至流 意而言愍諸四衆等者顯無盡意乃為泉而施觀 音亦爲泉而受故〇分作下轉奉一尊既已受之 以當愍故受也〇即時下觀音愍受不言愍無盡 者我得佛心證於究竟能以珍寶種種供養十方 所著故二為今所作施福得為佛因故楞嚴云四 而又轉奉一尊者有一意一為顯為泉故受本無 謂入流功極。妙悟同佛也證於究竟者謂亡所功 是乃至求大涅槃得大涅槃釋義則我得佛心者。 如來。旁及法界六道衆生求妻得妻。求子得子。如 極妙證同佛也悟證同佛不見一法為我所著故 卷七

沿事才等正

能以珍寶等物供養如來所作施福。回施一切。故

云旁及法界六道衆生合彼所求。無不果遂故云 轉奉者正供養如來。旁及法界之意顯示妙德竟 求妻得妻求子得子等也然今經愍衆故受受己

二應問結答

無盡意觀世音菩薩有如是自在神力遊於娑婆世 自在神力。指上四不思議以是任運顯現任運感

是也然此雖十方俱化惟娑婆偏宜以娑婆怖畏

行非假有為作意故云自在楞嚴所問無作妙德

彼佛子何因緣名為觀世音。 去海台之流 **胸時無盡意菩薩以偈問曰世尊妙相具我今重問** 難 之人。自能知來者行履故重問也。 薩以四不思議自在神力遊之則怖畏可離而急 既多急難尤廣人習慳貪之風物少福慧之嚴菩 世尊妙相具者讚佛萬德莊嚴為過來人故過來 重問得各所以二一合顯得各遊化 一合顯得名遊化一 偈頭合顯調然本 可救慳貪可破 卷七 而福慧可致 師 有。因 顯得名所以一 來諸 矣長行别示竟 三 初 出 一顯遊化

方便 初二 總標二別顯三總結

具足妙相尊。偈答無盡意汝聽觀音行善應諸方所。 初

弘誓深如海歷劫不思議侍多千億佛發大清淨願。 我爲汝略說聞名及見身心念不空過能滅諸有

聽善應句顯化他行廣弘誓句顯化他願深歷 初極顯行願。具足一句經家敘置汝聽句總以誠 劫

勝矣發大句顯自修願純清淨者惟期成佛無餘 至不可思議。所侍之佛。已至多千億數其行可謂 句顯自修行勝言菩薩因地修行。所歷之劫。已

没。 去医旨言流 假使興害意推落大火坑。念彼觀音力火坑變成池 或漂流巨海。龍魚諸鬼難念彼觀音力波浪不能 業為感心念必觀以意業為感三者皆能致應故 因恐其問所不及故先示之〇我為下。正以總標 願也然此一種願行乃涉世之極致實成佛之真 化他行也聞名必稱以口業為感見身必禮以身 自他行願莫可殫述故云略說謂略彼自修且說 不空過蓋以諸所有苦皆能滅也 别顯一 一能免三災一能脫八難 卷七 初

初能免火災。假使者謂設或有此稱各即得免也。

下或漂或在等準知。一後四句能免風水海即水

災漂兼風災長行所謂黑風吹墮是也長行但 鬼難,此兼魚龍然此亦屬水中難事。故合明之。波

長行但開合稍異

浪不能没者水難既脫而餘難無恙矣此偈大同

戮難

一枷鎖毒藥難

三 一能脱八難長以補長行不足。四

初

羅利惡獸難四毒蟲暴雨

怨賊刑

或在須彌峯。為人所推墮。念彼觀音力。如日虚空住

或被惡人逐墮落金剛山念彼觀音力不能損一毛 或值怨賊繞各執刀加害念彼觀音力。咸即起慈心。 〇或遭王難苦臨刑欲壽終念彼觀音力。刀尋段段

壊。

初能脫怨賊必約須彌為言者以須彌上臨虛空。 敢大海此尚能救餘者可知亦舉難况易之意。

人推墮者是人非怨即賊以推墮欲致命故暫

上。金剛山能壊 如日住空若怨賊旣去則如日還升也惡人準 切吃落其上。自應身同齏 粉。而

去在上日常流 毛不損者彌顯大士救護之力也值怨賊 卷七

七月差でい

執刀繞害必無免理。聞聖號而咸起慈心因兹得 脫此亦大士真慈所及。化暴為仁不期然而然耳。

〇末四句。能脫刑戮學長行可知。

一枷鎖毒藥難

或囚禁枷鎖手足被杻械念彼觀音力釋然得解脫 〇咒詛諸毒藥。所欲害身者。念彼觀音力。還著於本

福之言相要也然毒藥即能害人况加以咒詛自 長行。○咒詛下。能脫毒藥咒詛者咒詛鬼神以禍 初能脫枷鎖囚禁者。繫縛義釋然者解散義餘同

應百發百中而乃還著本人者。 授之慈。一則以見大士折伏之威。倘本人因還著 則以見大士輝

急悔。改革持名。自亦蒙救得脫。一俱無事矣。或有 菩薩以折門轉惡也坡公戲語勿類庭 說言還著傷慈者。是獨許菩薩以攝門成善不許 八聞夢

三羅利惡獸難

若惡獸圍繞利牙爪可怖。念彼觀音力疾走無邊方。 或遇惡羅刹毒龍諸鬼等。念彼觀音力時悉不敢害。

總稱威神即至故惡獸解園。疾走遠方。 智光所照慈力所護故羅刹龍思不敢加害名號

岳

去库肯掌流

卷七

に事才生正

四毒蟲暴雨難

玩蛇及蝮蠍。氣毒烟火然。

念彼觀音力。

尋聲自廻去。

雲雷鼓掣電降雹澍大雨念彼觀音力應時得消散 而性自善馴故云尋聲廻去澍大雨而加以雷電。 玩蛇蝮蠍。積與毒而氣同烟火。

。彼觀音

蒙慈力

怒故云應時消散雷鼓掣電者謂雷震如鼓擊之 頃刻報人之惡念觀音而濟以精誠須臾回天之

聲電飛如牽掣之形也别顯竟。

三總結

生被困厄無量苦逼身觀音妙智力能救世間苦。

具足神通力。廣修智方便十方諸國土。無刹不現身 瞻仰無垢清淨光慧目破諸暗能伏災風火。普明照 滅真觀清淨觀廣大智慧觀悲觀及慈觀。 世間悲體戒雷震慈意妙大雲澍甘露法雨滅除 ことは、日を流 量苦楚逼迫其身而觀音以圓通妙智之力。莫不 總結聚生或被貧窮所困或被疾病所厄乃至無 **尋路救度此其所以名觀世音也顯得名所以竟** 於娑婆 種種諸惡趣地獄鬼畜生生老病死苦以漸 顯遊化方便二 初準長行此前應 老七 不待請問 廣顯應化諸國二正顯遊 〇常願常

法華北等政

惱談。

初隨處現身。由三昧而發勝用故云具足神力依

方。故云十方國土。無刹不現〇種種下。滅苦用觀 圓通而起化門故云廣修智便二十一應隨緣無

老病死。衆生通相之苦。此長行應所不及而偈頌 種種惡趣總言惡道也地獄鬼畜别分品類也生

補之以五觀而潛加故云漸悉令滅真觀等。正顯 能滅觀也觀其性本自真故日真觀觀其障本自

叔故日淨觀欲消客障以復本真故運以廣大智 觀欲滅極苦以與至樂故加以悲觀慈觀所謂漸

去華肯掌流 所感 清淨光也光謂菩薩智光以 慧。運真慈 風 垢清淨 慧日二句 乃申明常 智慧如日。能破衆生諸 火為最故偏舉之然風 既諸暗 一欲破諸惑應當常發是 一一一一一一一一一 盡破故能伏 卷 七 乎。 也普明等正 火等災皆由聚生 煩惱暗也災兼衆厄惟 能 願常瞻所以蓋以菩 常 出障圓 願常得瞻 我用。是 願 下破 明故云無 顯 試 智能 仰 煩惱 破

が言ず写が

悲為體震戒雷以警覺奉聵以慈意為雲澍甘露 暗之義言菩薩以普智之明照諸世間然後以大

而滅除煩燄所謂慧日破暗者以此。

二正顯遊於娑婆

諍訟經官處怖畏軍陣中念彼觀音力衆怨悉退散 妙音觀世音然音海潮音勝彼世間音是故須常念。 念念勿生疑觀世音淨聖於苦惱死厄能爲作依怙。

初能施無畏

施無畏堪忍泉生性多關諍故偏言諍訟軍

切功德慈眼視衆生福聚海無量是故應

七八年二年至二九 阿拉 咒觀世一而現殊說淨心所現被他障而稱於音應 應若明顯應者。 畏事也念彼觀音仗慈力而頓消宿怨罷訟解 感聖化而各悔先心故云悉退散也然此猶屬 求所發不失時而粉海潮人天歡聽邪魔震恐故 云勝彼世間由此顯應是故急難眾生應須常念 念念四句正申明應須常念所以蓋以念念相 作依怙故也觀音稱淨聖者。顯自能離障。故能與 不生疑惑則觀音淨聖於苦惱死厄諸怖畏中。能 部訟則心憂刑罰軍陣則命慮兵戈皆可怖 卷七 同體形咒一音而含泉妙異體

沙華排掌遊 爾時持地菩薩即從座起前白佛言世尊若有眾生 合顯竟 衆生而作依怙若其自救不了尚望其能施無畏 威供。偈頭明其具德正以具德能感供也長行見 於苦惱死厄中乎〇末四句。具德集福長行顯其 發心 彰其供佛偈頌讚其福聚正以福聚如海方能出 其愍受偈頌表其慈眼正以慈視乃愍受也長行 在神力遊於娑婆是故娑婆眾生皆應頂禮偈頌 珍供佛復由出珍供佛轉致福聚如海也以是自 二聞品獲益一 持地稱場一

H

故承受諸佛大法雨故生長一切諸功德故菩提

當知是人功德不少 間是觀世音菩薩即自在之業普門示見。神通力者 薩持心如之故以爲名若别合者能發廣大菩提 菩薩名持地者準寶雲經地有十義 心故能與生死衆生作依止故於諸衆生無揀 生依三無好惡四受大雨五生草木六種子所依 七生泉寶八生泉藥九風不動十師子乳不驚菩 廣大二衆

二人生 二日本正元 惱法故世 種子所依託故出生利益衆生法故出生對治 間 八風所不動故聞說深法不驚疑故 一卷七

一法華指等政 世界地一切皆平我即心開見身微塵與世界塵 爾時平地待佛毘舍如來。摩頂謂我當平心地則 觸。乃至塵銷智圓成無上道據此則是因於平地 等無差别微塵自性不相觸摩乃至刀長亦無所 至毘舍浮佛。現在世時。時國大王延佛設齋我於 之心也又楞嚴菩薩自陳圓通文云我念往昔。乃 十德如地可階圓妙之行故聞而稱揚以發時眾 業即指如上所說以十四無畏等皆菩薩盛德大 得證圓通故名持地又以其刀兵莫觸塵銷智圓 多分與觀音相應故聞其行而稱揚之也自在之

佛說是普門品時。泉中八萬四千衆生皆發無等等 阿耨多羅三藐三菩提心。 業表見於世故名為業又以其任運成就不假思 發自圓通普法之門故云普門示現神通力者持 緣故名自在如是自在之業成自神化通融之力 誦能感聖應修習功超餘門故云當知是人。功德 菩提心也既聞如來所說又聞持地稱揚羨觀音 無等等者。無有等流之法與之相等乃最勝最上 最勝最上之行發菩薩最勝最上之心見賢思齊。 二時衆發心

去華旨堂流

卷七

資善成善勿謂觀音之後。普門陸地獅絃絕嚮也

正修之法竟

妙法蓮華經陀羅尼品第二十六 內心三取要以尅修期

初品題

一助修之法三一一一一門以護外應二善友以

陀羅尼。此云總持謂總一切法持無量義故或謂

總惡不起,持善不失乃總法持義之效也。駈邪辟 怪有類此方咒詛故亦名咒五不翻中秘密不翻。

字之殊其用有滅惡生善護經除病之異个體是 四例中翻字不翻音也其體有多字少字。一字無

障須假咒力故一為顯經文博密咒詞約顯密 品若明五義者 至終正文惟咒縱有餘文亦爲咒設故惟以咒名 多字亦兼少字。用惟護經亦兼餘義以此品從始 通隨持皆得故三為正法難行波旬易熾擁護法 毀不令有犯故五為緣心聽法見墮生滅秘密絕 師。說咒禁毀故。四為惱亂法師。罪同極惡。說咒禁 高堂。豈能免侵擾於多怪預思防犯故說此品。經 外之所憎嫉。行芳見毀道煥家塵若不懸寶鏡於 解。令契無生故總言此經為諸佛之所護念是魔 卷七 爲雖示正修但宜深位。沒位

去连与汽流

治事才等或 讀誦通利若書寫經卷。得幾所福。 佛告藥王若有 佛於汝意云何其所得福寧爲多不甚多世尊〇佛 善男子善女人供養八百萬億那由他恒河沙等諸 佛言。世尊若善男子善女人有能受持法華經者若 爾時藥王菩薩即從座起偏袒右肩合掌向佛而白 言若善男子善女人能於是經乃至受持一 一天王說咒三羅刹說咒 二禁毀讚善 一勇施說咒 護法說咒二聞說得忍 初三 問答持福二 初二 藥王說咒 菩薩說咒

讀誦解義如說修行功德甚多 长在上月老木 福曾供養佛況所供之佛數滿八百萬億那由 他未能故發此品法師品來。屢讚持書之福今復 流通此法貴在普濟故又自能盡執。已超魔境悲 初藥王請問持福。正修助修。皆以藥王起首者。表 沙則所得之福。自應無窮無盡故如來故意審問。 而藥王果以甚多答之。〇佛言下。較顯持經功德 今時。餘可例知○佛告下如來設例審定若人 問者。後後盆勝故。如觀音功過妙音實際法 偈至少而持德甚多於彼者以如說修行是廣 卷七 能 恒

汽车打车或 着腻 縣咩 尼咒以守護之即說咒曰。 爾時藥王菩薩自佛言。世尊我今當與說法者陀羅 毘义퉳 大最勝供養如華嚴行願品說。 爾 勝遞爲弘護耳。 矣大成云將申弘護先較持德者。欲後人 阿瑋娑履 **擅帝** 曼爾 赊履多瑋 禰毘剃 縣履 桑履 摩 不爾 阿便哆邏禰履剃 **羶**帝 二正說神咒 摩摩禰 娑履 陀羅尼 目帝 义裔 台隸 阿盧伽婆娑簸蔗 **偈尚爾多可知** 目多履 阿义裔 遮黎第 阿亶哆波 八知其福 娑履 阿

夜 去毒盲掌流 百迦差 與等。陀羅尼咒華梵雙稱也咒謂以是法而祝之 利差帝 **今無違犯。如此方咒禁之例咒中句斷古本以 既聞持經之福恐被魔阻致失大益故云我今當** 惡义羅 一等數計之。今以空處為句。讀者須知。又大成云。 地 曼哆邏义夜多 阿三磨三履 歐究隸 惡义冶多冶 僧伽湼瞿沙禰 卷七 牟宪隸 佛陀毘吉利表帝 郵樓宴 阿婆盧 婆舍婆舍輸地 阿 羅線 郵樓哆僑舍畧 能 阿摩若那 波羅隸 達磨

所據。 咒中地字。當以本音讀之。若途買宅解了 三禁毀讚善 一切。未有

行事するの

若有侵毁此法師者則為侵毀是諸佛已。一時釋迦 牟尼佛讚藥王菩薩言善哉善哉藥王汝愍念擁護 世尊是陀羅尼神咒六十二億恒河沙等諸佛所說

十二億恒沙等諸佛所共說故佩此印者如佛臨 御故侵毁法師則為侵毀諸佛如世家宰受命秉 初指咒禁毁陀羅尼有多種今是諸佛心印。以六

符。代君執政犯之者即同犯君言此。正禁其不可

此法師故就是陀羅尼於諸衆生多所饒益。

法華經者說陀羅尼若此法師。得是陀羅尼若夜义 若羅利。若富單那若吉蔗若鳩槃茶。若餓鬼等何求 爾時勇施菩薩白佛言世尊我亦為擁護讀誦受持 其短無能得便。 去海肯拿流 咒擁護故重言善哉以讚美之末世法師動被魔 毁也〇時釋下讚善褒益既能進問持福又能說 衢而日月交輝。故云於諸衆生多所饒益藥王說 侵怒念擁護說此總持。圖白澤而魍魉退舍耀昏 **咒竟** 二勇施說咒三 咒三指咒禁毁 卷七 一預明咒力二正說神

即於佛前。而說咒曰 其短者。 富單那。此云臭餓鬼。吉蔗此云所作。即起屍鬼也。 持無量義。即是法施得此者鬼莫能何即是無畏 餘名見前。大成云。惡世修行。尺水丈波鬼神侵擾。 正法難通佩持神咒不怒而威强魔怪鬼無能何 王獨步。故云我亦為擁護等也陀羅尼總一 三施之中。說咒兼二 湟隸第 摩訶座隸 一正說神咒 **湟隸多婆第** 郁枳 一菩薩既勇於行施。豈能讓藥 目枳 伊緻桃 阿隸 章緻柅 阿羅婆 切法

台級机 **湟隸**墀柅 **湟隸墀婆底**

三指咒禁毁

世尊是陀羅尼神咒恒河沙等諸佛所說亦皆隨喜。

若有侵毀此法師者。則為侵毀是諸佛已。

咒是諸佛心印。佩此印而行佛事故佛亦隨喜如 賢臣代君攝政君亦潛驗餘準上菩薩說咒克

一天王說咒二一多聞說咒二持國說咒

爾時毘沙門天王護世者白佛言。世尊我亦為愍念 為護說咒一隨咒擁護

衆生擁護此法師故。說是陀羅尼。即說咒曰。

临

去華旨皇流

一卷七

世尊以是神咒雜護法師我亦自當擁護持是經者。 阿棃 爾時持國天王在此會中。與千萬億那由他乾闥婆 令百由旬內無諸衰患 神作祟故無衰患多聞說咒竟 達故云自當擁護百由旬內者指界相要不容見 此咒不言佛說。或是天王自要鬼神之語恐敢有 一初爲護說咒 一
随
咒
擁
護 持國說咒一 那棃 爲護說咒一 阿那盧 一指咒禁毁 那履

羅尼神咒擁護持法華經者。即說咒曰。 泉恭敬圍繞前詣佛所合掌白佛言。世尊。我亦以陀

摩蹬

阿伽爾 伽禰 瞿利 乾陀利 旃陀利

常求利 浮樓娑抳 頻底

乾闥婆衆乃東方天王。所統二部之一。不言昆舍

一指咒禁毁

閣者甩劣於神不常隨故。

此法師者。則為侵毀是諸佛已。

世尊是陀羅尼神咒四十一億諸佛所說若有侵毀

此咒乃諸佛治邪密語授與天王保護衆生。天王

去華肯堂流

卷七

瓔珞九名皇帝十名奪一切衆生精氣是十羅刹女。 四名華齒五名黑齒六名多髮。七名無厭足八名持 爾時有羅刹女等。一名藍婆一名毘藍婆三名曲齒。 往他國之偈法師惟誦鬼自知之。知而故毀。即是 不遵佛語故為毀佛天王說咒竟。 但秉持之有邪自退令故以此擁護法師。如無親 三羅刹說咒二 一經家敘名一為護說咒三指邪禁毀 一正以咒護二兼以身護

與鬼子母并其子及眷屬俱詣佛所。

羅利本食人之鬼佛力所攝以食人之威改業護

去善与学流 瓔珞蓋瓔珞本嚴身之具愛而著之則身被其縛 髮惡也食人無度。名曰無厭足縛人有法名曰持 業為名一約今行為號曲華黑其齒凶也多髮其 法也監婆毘藍婆正法華云結縛離結縛。 者。鬼子母非十女類故另舉之。然名詞利帝母。有 有七滴甜水和養精神。鬼敢一滴。令人頭痛三滴 矣。皇帝晉譯爲何所是以無所不具爲名故下文 悶絕。七滴盡即死故古德亦有翻羅刹為敬精氣 十顯已上諸鬼皆有奪精氣義也大成云人心中 如來讚勸獨呼皇帝奪精氣亦諸鬼能事故居第 卷七

一门里才学道 泥履 者。除其衰患若有何求法師短者。令不得便即於佛 前。而說咒曰 伊提履 同聲白佛言。世尊我等亦欲擁護讀誦受持法華經 樓醯 發願有道場處便往守護今爲護經率其子屬隨 率諸毘盡其神力不能敢鉢求佛哀愍佛為授戒。 十女俱詣佛所。 千子。皆大鬼因少子愛奴為佛所攝以鉢覆之。母 泥履 樓醮 伊提泯 泥履 多藍 伊提履 二爲護說咒 泥履 多醯 泥履 阿提履 多醯 樓醯 伊提履 樓醯

藍

此與多開所說皆自要鬼神之語。如軍中號合之達 之則罪在不赦觀向下若不順我等語,其義可見

三指邪禁毁

寧上我頭上。莫惱於法師○若夜义若羅利若餓鬼 若富單那。若吉蔗若毘陀羅若犍默若烏摩勒伽若

阿跋摩羅若夜义吉蔗若人吉蔗若熱病若 一日。若三日。若四日。若至七日。若常熱病若男形若

女形。若童男形。若童女形。〇乃至夢中亦復莫惱即

於佛前。而說偈言若不順我咒惱亂說法者頭破作

卷七

去在台章流

一注重才学道 七分。如阿梨樹枝。如殺父母罪。亦如壓油殃斗秤欺 初設例為要人之一身。最重者頭女人猶過於愛 八調達破僧罪犯此法師者。當獲如是殃。

主有長短耳男形女形通上諸鬼以諸鬼各有男 也何跋摩羅青色鬼也若一日等。皆熱病鬼但所 護今乃云寧上我頭莫惱法師者。設此爲例。與思 陀羅赤色鬼也健默黃色鬼也烏摩勒伽烏色鬼 神要極言法師不可惱也。〇若夜下。歷指諸邪。毘

中尚不今惱餘時可知若不順我等。定罰示戒阿

女故也。餘鬼疊見不再釋。〇乃至下禁毀說偈夢

去善旨言流 樹似蘭枝若墮地自然破為七分蓋枝即稍也如 梨樹枝孔雀金光明等皆作 蘭香稍名義集云其 殺父母等聲罪令知父母乃身所從生而反殺之 是逆罪之極重者天譴則身遭雷誅人罰則屍碎 王刃地獄之報尚不能免西域有壓油之法壽麻 有死於雷震朱書銘其背者。斯罪常見調達破僧 斗。損人利已。將謂欺誑於人實是獲罪於天故世 生蟲合壓取肥像暴之罪莫此甚者。至於大秤小 尚不以眾付身子目連等。况汝凝人食人涕唾者。 者。準大論調達從佛索衆佛訶之曰癡人無知我 卷七

因此結恨别構五法以誘佛衆言。一糞掃衣二常 獨破之自悞悞人。罪合如是法師津梁塵世化範 語言不須佛僧便將往伽耶山共作羯磨佛言凝 此五事者是真毘尼時五百新學比丘捉籌調達 乞食三一坐食四常露坐五不受鹽及五味等忍 自陷陷他一殃敵前四故對佛聲言令鬼神知悉正 人天生法身。續慧命犯之者毒流三界。害及羣生。 以咒護竟 八。消滅善心。泥梨莫救蓋以佛界和合成善而彼 一兼以身護二 一羅利願護二如來讚勸

護受持讀誦修行是經者合得安隐離諸鼓思消泉 諸羅利女說此偈已白佛言世尊我等亦當身自擁

毒藥。

恐有藐視禁令致干非法故發願身自擁護不令 思神作崇故離諸衰患不令咒詛爲殃故消衆毒

佛告諸羅刹女善哉善哉汝等但能擁護受持法華 二如來讚勸

踏香油燈蘇摩那華油燈聽蔔華油燈婆師迦華油 瓔珞,不香塗香燒香旛蓋技樂然種種燈蘇燈油燈 名者。福不可量何况擁護具足受持供養經卷華香

上海后在

卷七

沿華指等面

燈。優鉢羅華油燈。如是等百千種供養者鼻帝。汝等

及眷屬應當擁護如是法師

經乃至無量國中名字不可得聞故但能擁護持 重言善哉者讚其咒護身護善而又善也是法華

名福即無量若更能擁護全持。及種種供養者例 此不言可知故爲况也備言所供之物者意顯行

其名而為結勸即兼餘衆護法說咒竟。 勝人勝能護之福益勝故。皇帝名通十人故獨呼

一聞說得忍

說是陀羅尼品時,六萬八千人得無生法忍

咒是秘密不容思量分别。生滅情盡無生理顯故 云得無生忍神咒以護外魔竟

二善友以護內心品題

妙法蓮華經妙莊嚴王本事品第二十七

王名妙莊嚴者有二義一約世諦二約出世約世

非勝妙的出世者。出家修道得一切淨功德莊嚴 諦者既為一國之王嚴盡異域之珍娛目飾身無

品。俱言本事。而文勢不同以彼人是現人事指本 三、珠、蓋世諦之名。即兆出世德也。此與第二十三

行乃藥王之本事。今人事俱屬本地現人別指華

去薛戶堂流

卷七

一片里中全山 德以華德本為妙莊嚴王其王轉邪成道即是華

德本地中事。合本人與本行而并言之故為此題。 若明别義者一為外魔顯滅內邪潛生須假善友 相與提携故二為善根易忘愛網難出須示親眷

亦不可恃故四顯轉邪旣難發心尤難善知識者 以欲鈎牽故三顯諸佛難值時亦難遇至富至貴 是大因緣故。五顯法不孤起仗境方與衆聖歷劫

奏琴瑟和鳴振覺皇之家聲命今古如一 已示澆沸之法妙嚴轉邪進授撤薪之術燻篪疊

互相啟導故總言內邪不動外魔難侵護法說咒

去崔台掌流 中有王名妙莊嚴其王夫人名日淨德。 羅訶三藐三佛陀國名光明莊嚴劫名喜見彼佛法 阿 爾時佛告諸大衆乃往古世過無量無邊不可思議 僧孤劫有佛名雲雷音宿王華智多陀阿伽度阿 陀羅尼後而說此品。經文 準前妙音品<u>妙</u>音兩世所值之佛。一日淨華宿王 智國各淨光莊嚴不出劫名。一日雲雷音王國名 總敘本人二詳明本事三結會古今四聞品獲 卷七 敘本地師親二敘本地昆季 能 初

沿雪井等沙

現一切世間,劫名喜見今一佛似兼兩佛之名。然

智亦二喻。一日宿王喻照鑑機心二日華喻莊嚴 有二喻。一日雲喻含潤資善。一日雷喻示戒懲惡 旣不全同無妨異釋詳審其義蓋以音智為各音

物行各兼二阶以彰二德又以智具二德照心嚴 行故國名光明莊嚴音具二德資善懲惡故劫名

喜見。國劫皆以佛德立稱。王名釋見品題夫人名 淨德者為度妙嚴。不現女身實德本淨故

有二子。一名淨藏。一名淨眼。是二子有大神力福德

一敘本地昆季

密方便波羅密慈悲喜捨乃至三十七品助道法皆 智慧、人修菩薩所行之道所謂檀波羅密尸羅波羅 味。淨色三珠淨照明三珠長莊嚴三珠大威德藏三 悉明了通達又得菩薩淨三昧。日星宿三昧。淨光三 去生与言於 昧。於此三昧。亦悉通達。 智蘊恒沙淨德名日淨藏智照恒沙淨法名日淨 若度中開權智爲方便故六度成七。慈悲喜捨四 嚴故。人修菩薩等。明所修之行以顯福慧有由。般 眼有大神力者。依定發通故福德智慧者。依行成 能

定以顯神力有本。七種三昧中前六為别後一為 前六度名助道法明了通達者修習既外行相熟 總別中第一名菩薩淨者隨分斷障故第二名日 機現清淨色故此二似約利他第五名淨照明者。 者為攝眾生放清淨光故第四名淨色者為應羣 星宿者。隨分照理故。此二似約自利第三名淨光 七覺支七日八正道依數合之共成三十七品助 無量心也三十七品助道法者。一日四念處二日 開。微細差別。畢照無礙故。又得菩薩等。明所得之 四正勤三日四如意足四日五根五日五力六日

住出一面 行莊 淨心說法照明 具上六義神 仰 有威可畏有德 嚴佛 果故此二似兼兩利總名大 用超拔魔外不敢正視人天之所 暗 可景故亦悉通達者。不惟 昧中通達 王愛涉其 可報三彼人誠誓人權 故第六名長莊嚴 救增人尤世的給者。其四幸長得榮屢圓所但一比 比 有道功逢事須以人丘為會德聲辨於命云。結 切諸三昧 未爲會德聲辨尽是奉吾契苦。從議修偶生振道。等山林 些 者長時 人威德 莫寫。四林。志 遇之婸 受出。當閩朝尚欣報,車無以中。不佛

但不知出自何典想大成必有所見錄以俟考。終宜設化。果獲改飛然此事又兼前生。因果頗肖。包一為端正婦二作聰明男婦兒之言。必當順從。如一人云。此王著欲。而復邪見。若非愛釣。無由可化 敘本 人 竟

一詳明本事二 一二子為父現神二妙嚴轉邪

成道 爲往聞佛法二爲遵奉母命 初二 一現神之由二正現神變 初

初一

華經。〇時淨藏淨眼二子。到其母所。合十指爪掌白 爾時彼佛。欲引導妙莊嚴王及愍念衆生故說是法

言願母往請雲雷音宿王華智佛所。我等亦當侍從 親近供養禮拜。所以者何此佛於一切天人衆中說

法華經宜應聽受

初彼佛為王設法。怒王宿善不久即墜故欲引導。 念泉八苦。無由得脫故云及愍。日欲日及正兼之

義自見○時淨下二一子請母同往不自其冬而自 其母者。母子志同。父子志不同故又俟母酌定可

白其父。然後方白故。

一為遵奉母命

母告子言。汝父信受外道。深著婆羅門法。汝等應往 白父與共俱去。○淨藏淨眼合十指爪掌白母我等

是法王子。而生此邪見家〇母告子言。汝等當憂念

上二年一日会市

卷七

汝父為現神變若得見者心必清淨或聽我等往至

佛所。

初母射二子白父必令白父者有二義一為不告 而往。失婦德違子道故。一爲知其著邪攝邪見成

正見故。○淨藏下。一子含怨遲疑。含怨者。法王之 子术合生邪見家遲疑者。恐其不聽反合所願不

果二語中感慨無限。〇母告下識令為父現神。著 邪將墜理在可憂深著難拔事須現神見神轉邪

故心淨。知正可親故聽往。倫道旣盡而所願得果 則其母之誠以現神者誠善也現神之由竟

二正現神變

於是二子。念其父故。涌在虚空高七多羅樹。現種種 神變於虚空中行住坐臥身上出水身下出火身下 現大於空中滅忽然在地入地如水魔水如地現如 出水。身上出火。或現大身。滿虛空中一而復現小。小復

是等種種神變令其父王心淨信解 斯已耳今詳現文相有十四一空中四儀爲四一 大成云現化應具十八變愚謂不必拘定但成益

身上身下。互出水火為四。合上成八三大身滿空

去谁上目掌流 為一。合上成九四大小互現為二。合上成十一。五 時父見子神力如是心大歡喜得未曾有。合掌向了 義可了。二子為父現神竟 薩妙能轉物應念化成末二句結出現神所以其 諸法由來互融。但衆生為物所轉觸處相違而菩 滅空在地為一。合上成十二六地水互如為二合 上成十四所以能如是變現者以七大本自問偏 一得記出家四修行成道五懷德自誓 初三 一妙嚴轉邪成道五 一轉邪詣佛二聞法與供 妙嚴受化轉邪二二子所願勸詣三宮眷同詣

雷音宿王華智佛今在七寶菩提樹下法座上坐於 去善旨言杰 言汝等師為是誰誰之弟子〇二子白言大王。彼雲 子〇父語子言我介亦欲見汝等師可共俱往 切世間天人衆中廣說法華經是我等師我是弟 見汝師等正見其那心轉也 聞故并佛及法而俱言之○父語下。願共同往欲 誰之弟子○二子下指師白父人既可羨法亦當 父母時詰 初見神問師見神未有知師異常故問師為是誰 二二子 祈願勸詣二 一先於母所祈願二次勸 卷七

諸難亦難。願聽我出家○母即告言聽汝出家所以 已作佛事。願母見聽於彼佛所出家修道爾時一 信解堪任發阿耨多羅三藐三菩提心。○我等為父 者何佛難值故 佛甚難值。我等隨佛學。如優曇鉢華。值佛復難是。脫 於是二子。從空中下。到其母所。合掌自母。父王今已 欲重宣其意以偈白母。願母放我等。出家作沙門。諸 已解法是勝道未見未聞已爾若既聞既見寧復 埋頭塵勞忍心生死以是定知。堪任發心○我等 初報父信解。雖未見佛。已信佛非常人

於是一子。白父母言善哉父母願時往詣雲雷音宿 去華旨拿流 曇鉢羅華。又如一眼之龜值浮木孔。 而我等宿福 王華智佛所。親近供養。〇所以者何。佛難得值。如優 求也偈中初二句正求出家次二句明出家意如 作佛事更無所事。故願求出家修道籍此數語母 即下。紫母聽許可知。 優一句。恐錯過難逢脫諸一句恐墮落難復の 下祈願出家生於其家原為發起善根既為父尸 二次勸父母時詣 來歷。已略見矣重宣其意者母方遲疑從容再

深厚。生值佛法是故父母。當聽我等。令得出家所以 以下徵起釋成重舉前喻者母雖已知父未知故。 中有一眼之龜一孔之木龜得木孔可以濟溺然 何諸佛難值時亦難遇 木隨水流。遵須彌山三千年乃一相值且一眼覷 初正勤時指時指者及時速往不容少緩也。〇所 一喻以顯值佛之難。正以見親近供養之不容緩 眼之龜值浮木孔者。準阿含經云。妙高山下海 孔爲至難若 一時錯過後會無期。今二子舉此

也。〇一而我下。重求出家重求出家者母雖已許須

去華肯拿流 法華經淨眼菩薩於法華三昧人已通達淨藏菩薩 已於無量百千萬億劫通達離諸惡趣三昧欲令 彼時妙莊嚴王後宮八萬四千人皆悉堪任受持是 切衆生離諸惡趣故其王夫人得諸佛集三昧能知 修衰老何及也二子祈願勸詣竟。 中言時亦難遇者謂雖值佛世此身難保强健不 得一 白父故宿福深厚生值佛法者。自慶值佛非易幸 初 一宮眷同詣佛所二 值不應空過故云當聽我等合得出家徵釋 卷七 一敘宮眷德二正明同往 帳

諸佛秘密之藏一子如是以方便力善化其父令心

信解好樂佛法。

後宮眷屬。即前妙音與俱八萬四千之衆以因緣 後宮八萬四千人。結會不顯然淨德旣是妙音則

義一時至機熟故一遇難不屈故法華三珠釋見 相牽生生世世不相離故堪任受持法華者有一

不墮二惡道故自能通達復欲以此化他故云欲 妙音品中。離惡趣三味者。入此三昧。生死分明。永

佛皆悉來集爲說法故佛爲說法定中俱聞故於 令一切衆生等。諸佛集三昧者。入此三昧十方諸

諸佛秘密之 妙嚴獨尚邪宗二子不忍於是以方便力化令信 解既不傷於倫道又能啟其正信故云善化好樂 佛法即堪任發心也 一藏悉皆能知據此則 一門皆屬法眷

正明同往

於是妙莊嚴王與羣臣眷屬俱淨德夫人與後宮宋 、眷屬俱其王二子與四萬二千人俱 到已頭面禮足繞佛三匝却住一 時共詣佛

采女者謂選用後宮俱有采色也二子儀從遜母

之半。故惟四萬二千轉邪詣佛竟。 卷七

去華旨章流

梔

沿置井雪山

一聞法典供

爾時彼佛為王說法。示教利喜王大歡悅。爾時妙

莊嚴王及其夫人解頭珍珠瓔珞價值百千。以散佛

嚴王作是念佛身希有端嚴殊特成就第一 萬天衣。其上有佛結跏趺坐放大光明。○爾時妙莊 上於虚空中化成四柱實臺臺中有大寶狀,敷百千

微妙之

故即為其說法非不為餘正為王故因緣會遇 撥便轉故云王大歡悅○爾時下夫婦與供得法 初佛爲說法。彼佛設法原爲引導於王今旣禮來。 去華台掌流 感恩故解瓔散佛於虛空中者表所施無住從 大寶米者表住行向地仍顯法空也空非斷空須 住本建立住行向地故以化成四柱寶臺表之 期要前云堪任發心。此正發也圓人發心不別究 非從物現非即佛非不即佛。如是有佛。如是見佛。 諸位向下如來與記非無因也然此佛非從心出 故見有佛跏趺放大光明據此則一瓔之供已超 假莊嚴故以敷衆天衣表之理嚴俱備。國契佛果。 爾時下見相作念端嚴殊特之身必緣勝行得 微妙之色定非劣心所致作念希有不無 卷七 护

竟前表後記俱無相違。

時雲雷音宿王華智佛告四衆言次等見是妙莊嚴 三得記出家

聞其國平正功德如是○其王即時以國付弟與夫 名大高王 其 炎 羅樹王佛。有無量菩薩衆。及無量聲 人二子并諸眷屬於佛法中出家修道。

修習。助佛道法。當得作佛號娑羅樹王。國名大光劫

王於我前合掌立不。〇此王於我法中作比丘精勤

者示以機熟合作證也。○此王下記以因果助佛 初審見示機妙嚴合掌前立四衆俱見佛故審問 去華旨彰流 道法者輔揚聖教記滿慈中所謂護持助宣佛之 廣蔭行。破邪行也。由是捨王位得佛位。即超諸高 符合因行。以一念淨信風化臣妾使皆得法利。即 生義國名取破諸邪暗義劫名取超諸高貴義皆 貴義也依正功德可知。以其王下。棄國出家大成 正法是也娑羅此云堅固大成云佛號取廣蔭羣 隨舞之才唯然脫穎承當一句入神萬緣俱夢棄 云佛具星橫藻鑑之機直指本來妙體王有見鞭 萬乘之貴披六和之衣却有其道不知有天下也 四修行成道 掘

子手才当可

王出家已於八萬四千歲常勤精進修行妙法華經。

過是已後得一切淨功德莊嚴三昧

之義大成云八萬四千歲修法華行所以淨塵勞 不離佛會而經八萬四千歲修行者亦延促無礙

為功德淨莊嚴也

也過是已後塵勞既淨三昧現前轉邪見染莊嚴

五懷德自誓三 一妙嚴懷二子德二如來印讚

發迹三自誓永離邪見 初

即升虚空高七多羅樹而白佛言。世尊。此我二子已 一佛事以神通變化轉我邪心合得安住於佛法中

得見世尊。此二子者是我善知識為欲發起宿世善

根饒益我故來生我家

即升虚空等者顯神通向屬二子今為已有雖為

已有而轉邪住正之力的歸二子故云此我二子。

稱之。宿世善根者。大成云。即四人入山之事雖有 已作佛事等也。深懷其德不子其子。故以善知識

宿根已陷邪徑為欲發起非至親不可故生其家

此妙嚴向所不知。今始知之故大成云到此妙莊 嚴王始與二子相見

长生旨意流 一如來印讚發迹

尼

后事打写政 導。今得見佛發阿耨多羅三藐三菩提心○大王。汝 見此二子不。此二子已曾供養六十五百千萬億那 知識其善知識能作佛事示教利喜令入阿耨多羅 如汝所言〇若善男子善女人種善根故世世得善 爾時雲雷音宿王華智佛告妙莊嚴王言如是如是 由他恒河沙諸佛親近恭敬於諸佛所受持法華經 三藐三菩提大王當知善知識者是大因緣所以化

愍念邪見衆生令住正見

故言如是。如是末言如汝所言者顯出世至尊不

初印妙嚴說印其歸功二子稱爲知識所說誠是

去華肯掌流 事等正明須得義也教以當知者借妙嚴警餘衆 導等正明是大因緣之義準大成作四種知識能 作佛事為外護知識一次教利喜為教授知識導令 能駁其言也〇若善下讚知識益雖種善根不得 故。是大因緣者。令於知識邊生尊重想故所以化 知識發起必將淪墜故須世世得善知識能作 持法感邪令正欲求知識者捨斯人其誰欺 見佛為同行知識令入菩提為實相知識其實性 二子迹已曾供養等。發近迹,顯遠本也。人已供佛 知識以前後成善異故說為四也〇大王下。發 卷七 追

ジョキュー

三自誓承離邪見

色赤好。如頻婆果。○爾時妙莊嚴王。讚歎佛如是等 有以功德智慧故頂上肉髻光明顯照其眼長廣而 紺青色。眉間毫相。白如珂月。齒白齊密。常有光明。唇 妙莊嚴王。即從虛空中下。而白佛言。世尊。如來甚希

言。世尊未曾有也如來之法具足成就不可思議微 妙功德教戒所行安隱快善。○我從今日不復自隨 無量百千萬億功德已於如來前一心合掌。復白佛

心行。不生邪見憍慢瞋恚諸惡之心。說是語已禮佛

长生与室流 初讚佛希有即從空下者為讚佛故攝自神力以 諍訟所感今合為一。下句亦顯用也唇色二句。八 紺色目相上句言形下句明色眉間一句。即眉間 有因地總之不出福與慧故功德即福德也頂上 白毫相上句出名下句喻白齒白齊密或開為一 如之。諸相好中。惟出此五者。頭面易見故又一身 十随好之一。頻婆此云相思此果色赤而潤佛唇 二句。即肉髻相上句出體下句顯用其眼二句即 示敬也功德智慧句總出相好之因以相好雖各 四十齒白相志性等仁所感一齒齊密相和合 卷七 台

沿南书等函

之上頭目為總故。○爾時下。讚法殊勝。世尊未有

者所證法勝故法指此法以是佛之所證。如證而

說。故云如來之法。此中無欠無闕。故云具足成就

德故能轉那心合住正見故云教戒所行安隱快 可思議微妙功德。正由如來之法,具足成就此功 一即一切。一切即一。言語道斷心行處滅。故云不

善〇我從下指心自誓不復者不復也。自隨心

分别故邪見憍慢等似屬分别煩惱以是横生計 行似屬俱生煩惱以是任運而起不假邪師及邪 度要假邪師及邪分别故不復不生即煩惱誓斷

佛告大衆於意云何。妙莊嚴王。豈異人乎。今華德菩 薩是其淨德夫人今佛前光照莊嚴相菩薩是哀愍 去崖上草流 菩薩藥上菩薩是。 妙莊嚴王。及諸眷屬故於彼中生其二子者。今藥王 義也就是語已禮佛而出者究竟無可說故大 惟在染習親師近友可不慎哉詳明本事竟 近佛讚佛。思又補之日。始而深著邪繼而轉邪終、 則自誓永不生邪由是而觀邪正本無定性善惡 二結會古今二 妙莊嚴王。始而不信佛繼而見佛終則愛佛 卷七 總與結會一别讚二士 火髪 初

治善持当政

佛前光照者。即是妙音前云釋迦牟尼佛光照其

身是也言莊嚴相者。彼佛謂云汝身第一端正百

宮變爲女身而說是經是也由此一科觀之則諸 千萬福光明殊妙是也哀愍王等者前云於王後

菩薩等有功於法華者。非止一世法師品中因藥

王告八萬良有以也。二别讚二士

是藥王藥上菩薩。成就如此諸大功德已於無量百 十萬億諸佛所植衆德本成就不可思議諸善功德

應禮拜。 八識是一菩薩名字者。一切世間諸天人民亦 法推肯笔抗 佛說是妙莊嚴王本事品時。八萬四千人 雖三聖同一示生而轉那功歸一 諸天人尽亦應禮拜。結會古今竟。 等是也識其名字者將必蒙其攝授如妙嚴等故 品助道法是也成就不可思議等者前交所謂文 若究其自證。因種多劫。故云已於無量等。植泉德 此諸大功德然此猶是推其道之緒餘以及人耳。 得菩薩淨三珠自星宿三珠乃至大威德藏三珠 本者前文所謂人修菩薩一度四等。乃至三十七 四聞品獲益 / 卷七 一士。故云成就如

治事才写政

於諸法中得法眼淨。

應時清明。今以聞此品故。外空邪法。內銷邪見同 楞嚴云想相為塵識情為垢二俱遠離則汝法眼

彼遠塵離垢正法自持正見自住即是法眼清明。

善友以護內心竟

三取要以尅修期品題

妙法蓮華經普賢菩薩勸發品第二十八 梵語邲輸跋陀此云普賢悲華經云我誓於穢惡

藏佛言以是因緣。今改汝字名為普賢據此則普 世界。行菩薩道。使得嚴淨我行要當勝諾菩薩寶 去连旨掌流 準請示四法令知從要故一爲妙嚴修行入萬餘 歲。娑婆人壽尚不滿百宗以三七令知精進故。 義者。一爲一十七品文言浩瀚坡覽莫周修持難 之行。惟能與所。義該全品故即以此命題若明别 普隨心益物乘時設化日賢與悲華亦不相違但 賢之名。應具二義一 横豎開合異耳勸謂勸請說法發謂發願護持一 超同倫獨讓我賢古德三行彌法界德無不偏 義在文昭然可了普賢為能立之人勸發為所立 化衆生皆令成賢二者我行要當勝諸菩薩是普 卷七 者穢惡世界。使得嚴淨是普

光皿 友惟轉內心至求所謂顯密交成內外兼護者無 發覺文殊作始行能成德普賢居終統攝中間智 如普賢為最故獨居最後以終流通之義焉。經文 薩天王鬼女施密咒而擁護又密咒惟袪外魔善 身咒令得如法故四為正修助修各有準繩流通 既畢時衆欲散重示利益。今知憶念故五爲智能 為後五百歲濁惡世中魔鬼亂正修持違心示以 行相成故總言樂王妙音觀音憑顯行以流通菩 請一一發照護持二明益結勸四聞品獲 普賢勸請二如來垂示

4

無量無邊不可稱數從東方來所經諸國普皆震動。 爾時普賢菩薩以自在神通力。威德名聞與大菩薩 界者闍崛山中頭面禮釋迦牟尼佛右繞七匝 法善指於抗 肉寶蓮華作無量百千萬億種種技樂又與無數諸 人非人等。大衆圍繞各現威德神通之力到娑婆世 八龍夜义。乾闥婆阿修羅迎樓羅緊那羅摩睺羅伽 無為而應無作而現自自在神通不要而歸不期 歸此顯威德義也從東方來者中歷多國無為 而化白威德名聞與大菩薩等同類之泉不要而 率泉東來二陳因勸請 | 卷七 而

聽受〇惟願世尊當為說之若善男子善女人於如 界。說法華經與無量無邊百千萬億諸菩薩衆共來 來滅後三何能得是法華經。 白佛言世尊。我於寶威德上王佛國遙聞此娑婆世 應所經諸國等地天呈祥無作而現此顯自在神 禮右繞申敬可知。 等。衞法衆而遮衰患故然普賢之來與妙音之來 開義也各現威德神通者如驅神遣鬼與害布霧 形迹相似。但較彼猶勝耳到娑婆世界等見佛作 通義也。又與八部等異類之衆不期而化此顯名 一陳因勸請

治事 持 等 再

法華肯拿流 佛告普賢菩薩。若善男子善女人。成就四法於如來 號言實能利物的佛攝授之慈威能治惡顯佛折 心開能洞十方。故日遙聞聞此說法者正明來因。 伏之嚴二俱超勝自在故稱上王又威明折伏德 顯攝授二俱尊重日實兩釋俱通也大成一云普賢 初自陳來因佛名寶威德上王者以折攝一 共來聽受者兼申來意○惟願下。勸說請要來意 俱說故且問云何能得蓋求佛示以從要而入法 原為聽受故勸佛當為說之又以時衆欲散難以 也普賢勒請竟 卷七 二如來垂示 轮 門立

上丰井等证 滅後當得是法華經〇一者為諸佛護念一者植泉

德本。三者入正定聚四者發救一切衆生之心。 ○善 男子善女人如是成就四法於如來滅後必得是經 約法界。二約位次約法界者謂行人初於六根門 是故能成就者。當得是經〇一者下。别釋。有二一 爲住行向地所證是本經之要義爲佛果之階梯 初總標四法者。義即四重法界。由開示悟入而得。

法界。至此上契佛心親承覺胤故云諸佛護念若 頭開佛知見前後際斷惟有者箇獨存名為人理 更能不住淺解得少為足進家如來示佛知見了

法華指掌統 發救一 故爲諸佛護念十行廣修福慧故得植衆德本。 墮無為故云人正定聚若更能理隨事偏事如理 舍途中。名為入理事無礙法界至此不懂有為 化城莊嚴幻果故云植衆德本若更能不滯那畔。 入事事無礙法界至此愍物與悲繁與大用故云 融進入佛之知見同佛一多無礙大小相即名 不住今時。翻然悔悟所有知見了知途中家舍家 知法法頭頭無非自己名為入事法界。至此隨喜 回向大願攝持。不墮二邊名為入正定聚十地 一切衆生之心若約位次者。十住住於佛家 / 卷七 华

用現前應化無礙故能發救一切衆生之心。○善

1

男下總結言必得者以是人佛尚可成佛於是經

一發願護持三 總發大願二别明擁護三自

爾時普賢菩薩白佛言。世尊於後五百歲濁惡世中。 結神力 初

其有受持是經典者。我當守護除其衰患。令得安隱

爲魔所著者若夜义若羅利若鳩槃茶若毘舍閣若 使無伺求得其便者。若魔若魔子。若魔女若魔民若 古蔗。若富單那若韋馱羅等諸惱人者皆不得便

受持通該下三魔所著者如楞嚴飛精附人今經

惡鬼入身之類韋馱羅此云厭禱鬼餘如前釋。 一别明擁護三 擁護讀誦一 一擁護思惟三擁

護修習 初

是人若行若立讀誦此經我爾時乘六牙白象王與 亦爲供養法華經故 大菩薩衆俱詣其所而自現身。供養守護安慰其心。

初入道場。神思易倦故行立以振之惟事讀誦者。

蓋恐心生疑懼退失本念故云安慰其心然普賢 思則倦生故供養守護者如燒香散華循壇繞界。

4

去華旨掌流

卷七

い声方当山

屈鄰極之聖供初心之機是乃因法重人客人敬

法故云亦為供養法華經故此是世界悉檀歡喜

益也。二擁護思惟

其人若於法華經有所忘失。一句一偈我當教之與 是人若坐思惟此經爾時我復乘白象王。現其人前

北讀誦還合通利爾時受持讀誦法華經者得見我 身甚大歡喜轉復精進以見我故。即得三昧及陀羅

羅尼得如是等陀羅尼 尼名為旋陀羅尼百千萬億旋陀羅尼法音方便陀

因見聖護神思振起於是跏趺正念循文

比」在上目卷次 忘前。故須與共讀誦還合通利見身驗其有功故 單攝如兩鏡相對若更能因一知多多中舉 旋陀羅尼者。因此知彼。因彼知此彼此互相旋攝 及陀羅尼三昧即法華三昧陀羅尼如次下所說 甚大歡喜轉復精進。蒙教資其正慧故即得三昧 則義不貫通故云我當教之恐其得前忘後得後 萬億旋陀羅尼若更能形容此義曲盡所得合他 然一多互相旋攝。如帝網珠重重無盡則為百千 名之為旋總持此義故名陀羅尼然此但是單旋 云若坐思惟復現其前者助其正念故少有忘失。 卷七 生

治事材等政

解悟。則名法音方便陀羅尼以是三爲上首。率餘

一切。故云得如是等又等字但爲等上不必率餘。

益也。三瘫護修習二一現身說法二防非說 以方便修持。只此已顯勝故此是為人悉檀生善

咒刻

世尊若後世後五百歲濁惡世中。比丘比丘尼優婆

塞優婆夷求索者受持者讀誦者書寫者欲修習是 法華經於三七日中。應一心精進滿三七日已我當

喜見身。現其人前而為說法。示教利喜。 乘六牙自象與無量菩薩而自圍繞以一切衆生所 去海岸常流 前二為此科方便此科為前二正修以前二神思 惡世言者以善世根利障薄不必尅期故求索者。 者或求得已而欲修習或受持已而欲修習乃至 或書寫已而欲修習蓋初起不同而爲欲修習之 如佛昔為國王擊鼓宣令四方求法之類欲修習 已振定慧已立至此尅定三七精進成功也必約 時長易怠恋生畏懼故定慧雖具認習難除故應 少不止二等,加行未純。恐不成功故多不至四等。 心則不異也但言三七者要期不遠令心猛利故 心精進一心者萬緣放下專注此經精進者挤 卷七

沙宝 才生 正

盡娘生誓斷惑習滿三七已經功旣純而惑習欲

空故重感普賢與無量菩薩而自圍德圍繞者圍

壇繞界以示守護之意以其不請而至故云自也 衆生喜見身者如懴首普賢觀云有一菩薩結跏

跌坐名日普賢身白玉色五十種光光五十種色 乃至行者見已歡喜敬禮等此蓋既圍繞已别現

勝妙之身為說不思識法耳示教利喜者示以頓

斷教以圓修合獲不思議利。以生廣大之喜故此

明第一義悉檀入理益也。

二防非說咒

1

亦復與其陀羅尼咒得是陀羅尼故無有非人 壞者亦不爲女人之所惑亂我身亦自常護是人。惟 阿檀地 願世尊聽我說此陀羅尼咒即於佛前而說咒曰 去连旨管充 達磨修婆利刹帝 羅帝婆羅帝 禰 陀修陀隸 阿僧祇 修阿婆多尼 薩婆陀羅尼阿婆多尼 植陀婆地 僧伽婆伽地 修陀隸 卷七 薩婆僧伽地三摩地伽蘭地 僧伽婆履义尼 薩婆薩埵樓駅橋舍略阿先伽 植陀婆地 修陀羅婆底 帝隸阿惰僧伽兠略阿 薩婆婆沙阿婆多尼 檀陀鳩舍隸 僧伽涅伽陀尼 上日 佛陀波羶 薩婆

沿海指雪的

辛阿毘吉利地帝

咒雖不翻然其中佛陀僧伽達磨似是三寶稱謂。 且自云得是陀羅尼者非人莫壞女人莫惑若非

主。若但謂非人莫壞此義可釋而女人莫惑之由 或佛名號持之不怒而威或鬼王名呼之部落敬 三寶威力及真淨之德又孰能致斯效哉大成云。

機成益。惟菩薩能隨緣施設亦如王索仙陀婆。 猶未能顯要知咒是諸佛密語。一音偏具多功應

各並召四實水器鹽馬獨智臣能因時敬奉。既存 梵音勿强分别。但得一心自成威應此明對治悉

植被惡益也别明擁護竟

三自結神力

世尊。若有菩薩得聞是陀羅尼者。當知普賢神通之 力。若法華經行間浮提有受持者應作此念皆是普

賢威神之力。

普賢力能擁護不假威神。福閻浮無能受持。教以 其得聞。教以當知者。安慰初心人也此法難行惟 初心菩薩。離此咒難以行道。普賢愍加。以神通令

應念者。安慰能持人也發願護持竟。

二明益結勸二 一普賢明益勸修二如來明益

去華旨掌流

卷七

に言才堂」よ

勸敬

初四

一正明持益二舉書児顯三勸令

当

若有受持讀誦正憶念解其義趣。如說修行當知是

人。行普賢行於無量無邊諸佛所深種善根為諸如

受持者聚行之總以讀誦憶念修行皆受持也讀

坐思惟。如說修行。如前三七精進期滿功成。妙契

誦者如前若行若立讀誦此經憶念解義如前若

諸佛所。深種善根。冥受佛記不久即得故為諸佛

圓修故是行普賢行不動道場廣集福慧故爲於

修習四願以神護

初

來手摩其頭。

如來手摩其頭。一舉書八顯

若但書寫是人命終當生忉利天上是時八萬四千 中。娛樂快樂。何况受持讀誦正憶念解其義趣。如說 天女。作衆技樂而來迎之。其人即著七寶冠於宋女

修行。

歸忉利。何児讀誦思修。假定慧熏煉之力。當得妙 但能書寫。無通利解證之功。尚獲勝福。感天女迎

果。蒙如來手摩其頭無足異也。

三勸令修習

若有人。受持讀誦解其義趣是人命終為千佛授手。 **监连** 台管流 卷七

类

億天女眷屬而於中生有如是等功德利益是故智 勒菩薩有三十二相大菩薩衆所共圍繞有百千萬 令不恐怖。不墮惡趣。即往兠率天上彌勒菩薩所。彌

者應當

一心自書若使人書受持讀誦正憶念。如說

讀誦解義當為龍華之機後以千佛之道故咸千 佛授手。離恐怖而遠惡趣彌勒攝持。侶天眷而待

應當一 加如法修行自成無上最勝因緣是故有智之者。 下生然但能讀誦解義已有如是功德利益若更 心書受讀誦憶念修行若乃拾此良圖

求異道。恐未能直提痛快之若此也

四願以神護

世尊。我今以神通力故守護是經於如來滅後間浮

提內廣合流布。使不斷絶。

自言以神通力守護是經者為安行者之心不以 魔外為憂故。又云廣合流布使不斷絕者為思如

來之望不以弘法為慮故普賢明益勸修竟。

一如來明益勸敬三 讚普賢德一 一明持經益

二結勸迎敬 初

上生一一些流

卷七

爾時釋迦牟尼佛讚言善哉善哉普賢汝能護助是

沒善批写事 護能受持普賢菩薩名者。 經合多所衆生安樂利益。〇汝已成就不可思議功 德。深大慈悲從外遠來發阿耨多羅二藐三菩提意 而能作是神通之願守護是經〇我當以神通力守 護也。護魔助修離惱成善故云安樂利益。○汝已 初讚其能護重言善哉者讚其既以咒護復以神 推其始名為久遠發意三事闕一。不能作是神願 下驗其本深無礙妙用。離念離言名爲不思議德。 同體之仁橫偏豎周名為深大慈悲本起因心莫

故云汝已成就乃至而能作是等也。○我當下許

護持名言普賢深本如是受持其名者必獲勝益。 普賢之名師資遞護因果相成惠我問浮極斯末 故如來以神力護之。又普賢護如來之經。如來護

重德應報宜酌。

運生兹世而得奉金言長兹土而獲聞嘉號深思

福遮毀四利讚罪謗 一明持經益四 一感應道交一 初 一離障近果三得

當知是人則見釋迦牟尼佛如從佛口聞此經典當 普賢若有受持讀誦正憶念修習書寫是法華經者。

知是人。供養釋迦牟尼佛。○當知是人 心佛讚善哉當

去華旨掌流

卷七

知是人為釋迦牟尼佛手摩其頭當知是人為釋迦

牟尼佛衣之所覆

初感交於應則見釋迦者所詮即法身故。如從佛

養最以諸如來尊重法故。○當知佛讚下應交於 聞者能詮即佛說故則為供養者。諸供養中法供

感以因驗果知其必得故佛讚善哉常寂光中冥

與授記故云佛手摩頭佛衣所覆蓋摩頭為授記

之儀衣覆乃傳心之法也。

一離障近果二 能離一障一能近一果

如是之人不復貪著世樂不好外道經書手筆亦復

力。〇是人不為三毒所惱亦不為嫉妬我慢邪慢增 獵師若街賣女色是人心意質直有正憶念有福德 上慢所惱是人少欲知足能修普賢之行。 小喜親近其人。及諸惡者若屠見若畜猪羊雞狗若 上上一旦是花 字。總該十六律儀若屠兒等。略舉數者爲例是人 等離那道障也及諸惡者等離惡人障也諸惡一 初能離外障不貪世樂者離五欲障也不好外道 有正憶念故不受邪染有福德力故不資惡業以 諸惡律儀皆由福德淺薄資以取利故。○是人下。 三句如次釋上三離蓋以心意質直故不事妄貪 卷七

沿萬才等政

能離內障。貪瞋癡等皆由自心所生惱亂正意故

稱內障是人二句釋上能離蓋以少欲知足貪等

不起然行清白諸垢莫侵故一切無能惱也

二能近二果

普賢若如來滅後後五百歲若有人見受持讀誦法 華經者應作是念此人不久當詣道場被諸魔衆得

向當坐天人大衆中師子法座上

阿耨多羅三藐三菩提轉法輪擊法鼓吹法螺雨法

不久等。近自利果也轉法輪等近化他果也離障 三得福遮毁

去连与皇流 · 野者於後世受持讀誦是經典者。是人不復貪著 所獲如是罪報當世世無眼 衣服臥具飲食資生之物所願不虚亦於現世得其 福報○若有人輕毀之言。汝狂人耳。空作是行終無 是人一退人天之眼目頓滅故記以如是罪報世 乘但見其動言成佛故毀以在人空作終無所獲 四事充足已也〇若有下遊空修毁不信最上 驗也現世得福報者或為王師或受帝供等不惟 著衣服等而所願不虛如宣律師天人供饌即其 初得如願福受讀是經能感人天供養故不復貪 卷七

次言,才生<u>一</u>

世無眼。四利讚罪謗

繚戻眼目角睞身體臭穢惡瘡膿血。水腹短氣諸惡 若有供養讚歎之者。當於今世得現果報。○若復見 癩病若輕笑之者當世世牙齒疎缺。醌唇平鼻手脚 受持是經者。出其過惡若實若不實此人現世得白

重病。

是經者為佛法所係若出其過惡無論實與不實 乃至六根清淨之類○若復下。罪謗笑者言受持 初利供讚人。得現果報者。如顏色鮮白。口出蓮香

皆得白癩之病。白癩者。白點疥癩病惡之現於外

是故普賢若見受持是經典者。當起遠迎當如敬佛 去自旨首 謂眼目釣角傍視也。水腹者。浮腫之病。短氣者。勞 慎哉文中言繚戻者。謂手脚不申順之貌角睞者。 者以感報必與因相類故牙齒疎缺等。動爲人之 孝子亦難承順况於他乎。明持經益竟 喘之疾此必死之症而又纏綿不死百日床頭雖 所笑。身體臭穢等。易致人之所輕。此輕笑之報依 類致然噫報應之於心業猶萬形之於規模可不 承上有如是益。定當作佛。故勸以當迎當敬明益 三結勸迎敬 卷七 Ī

沿南井当山

結勸竟 四聞品獲益

說是普賢勸發品時。恒河沙等無量無邊菩薩得百 千萬億旋陀羅尼三千大千世界微塵等諸菩薩具

並可賢道

觀中一見普賢尚得如是旋總持門滅後能持是 經已許是人具普賢行何况親預高會面領玄文

得此具此者宜矣道亦行也别示修法竟

二大會禮散

佛說是經時。普賢等諸菩薩。舍利弗等諸聲聞及諸 天龍人非人等。一切大會皆大歡喜受持佛語作禮

F

泉中聲聞。既已受記皆是菩薩猶稱聲聞者為存 普賢等。該列衆中菩薩。列衆以文殊為首此以普 成意云一部經內。說通師資就勝為言故云佛說 此總結靈山一會說聽事單利益究竟也分取大 賢者。表法可知亦為從上文便故舍利弗等。該列 隨喜。及藥王品來隨品證人衆也歡喜者慶所 等該列衆中八部。一切大會就收此界他方結緣 乘位故。又以佛道聲。令一切聞。是真聲聞故諸天 故。多劫飄零。未聞此法。今既聞已如見遇母故歡 卷七

上三三三三

沿事指等政 法華經指掌疏卷第七終 去者聞已退修故古人進而聞道於師退而修道 喜也。受持者。領所聞故。諄諄附屬。重重讚勸。佩服 聖言路心至教故受持也。作禮者重所聞故。如領 於已非如今人之入耳出口也 王勅。如受父命。誠惶誠恐。稽首頓首。故作禮也而 隨喜及見聞 熏我有為智 忍彼諸難緣 共入不思議 釋此最勝法 生生得受持 修習無空過 願以無漏因 E

音釋

法 去產戶管流 吉祥 華經指掌疏第七卷願 管切 也顱 說團 信心佛弟子 福 樂音順善也馳也也 順善 殫無 基命位昌隆智種 如意 里多 **極寒話共** 心證論 謝康 卷七 蓮游企捐資五十兩 靈苗增秀現前動 当真也填箎 也 助 三正三 刻 止 盧都 陳音 知熏音倫頭切家

